

Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 2130 8° (LN 1414 8° copy 2)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 2130 8° (LN 1414 8° copy 2)






Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 2130 8° (LN 1414 8° copy 2)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 2130 8° (LN 1414 8° copy 2)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 2130 8° (LN 1414 8° copy 2)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 2130 8° (LN 1414 8° copy 2)




DA BOX

Nº 2130.



= LN 1414 u 2







I  
G  
N  
m

E



2130.  
ETITHALAMION  
IOHANNIS

GEORGII SADOLI

NI VIBERGII SCRIPTVM

in honorem nuptiarum D. IOHANNIS,

FRANCISCI Ripensis, Doctoris

Medicinae, & MARIAE,

filiae V. C. Laurentij

Olei Bagij.

EIVSDEM FASCI-

culus Apollinaris.



WITEBERGÆ  
EXCVDEBAT IOHAN.

SCHVVERTELIVS.

ANNO M. D. LXVI.



IOHANNES

11002 11307

11002 11307

11002 11307

11002 11307

11002 11307

11002 11307

11002 11307

11002 11307

11002 11307

11002 11307



EXCELSIOR

EXCELSIOR

EXCELSIOR

EXCELSIOR



2130.  
CLARISSIMO  
VIRO DN. IOHANNI  
FRANCISCO RIPENSI,

*Medicinae Doctōri, & sapientiæ in Regia*

*Danorum Academia Professori,*

*Ioh. Georg: Sadolius*

*Vibergius*

S. P. D.



UM POST LONGAM  
& eandem difficillimam, licet  
virtutis nomine pericundam,  
quam meliorum studiorum causa  
per Germaniam & Galliã susce-  
pisti peregrinationem, tu mihi tandẽ D. Iohan-  
nes Franciscæ, oblati in Gezoræa regione Fal-  
strica, apud nobilem virum Claudium Vitsfeldi-  
um, qui nos tunc temporis ad cœnam humaniter  
vocavit, mecũ familiariter ageres: Videbamur  
novis confabulationibus, quid enim impedit  
quo minus apud Poëtam Poëtico vocabulo utar?  
& iucundis colloctionibus nostram in exteris  
regnis contractam amicitiam quodammodo re-  
nouare. Et quanquam ea quæ nos in longin-  
quis oris, partibusq; terrarum, piæ necessitudinis  
copulatio per Musas tanquam æterno fœdere  
coagmentavit, tam arcta est, tamq; cõstricta, ut  
vel ab ipso Momus reprehensionum, seu potiùs  
A 2 calum-



calumniarum Deo, vlllo criminationis artificio  
distrahi nequeat: tamen per hunc nostrum a-  
mabilem & honorificum congressum veteris  
eius amicitiae lex clarior reddita, & pristina il-  
la nostra consuetudo splendidior facta, nos quasi  
somnia excussos venerabili quadam voluptate  
perfudit, adeo vt qui proximis his annis admi-  
rabili Fatorum volubilitate & fortunae incon-  
stantia à nobis inuicem disiuncti, nescio quas,  
animi nebulas per alti silentij diuturnitate con-  
traxeramus, eas iam laudabili diuinæ Maiesta-  
tis decreto, & cœlesti ductu denuò consociati,  
mutuo sermone non secus ac desiderabili Solis  
calore extenuatas, propulsauerimus. Quapro-  
pter ego diuinitus te in Gezoræam translatum,  
existimo: & eò gentium me quoq; peculiari si-  
dere abreptum venisse, mihi persuadeo. Nihilo  
secius ego gratiā habeo Clau. Vitseldio nostro,  
qui per literas me suas certiore de tua præsenti-  
a reddens autor fuit, vt ex Lolandia ad te  
traijcerem. Enimuero per operam bonorum ho-  
minum voluntas Dei opt: max: plerunq; diri-  
gitur. Imò & tibi faueo, vt propter alia mul-  
ta, ita plurimum, quod me insalutato recedere  
noluisti, quamuis, me inscio si abysses, legitimæ  
te occupationes excusare possent. Nam te ob  
eximias tuas virtutes quemadmodū reuerenter  
amo, eodem modo me sincerè & candidè abs te  
redamari vehementer lætor. Ex quo factū est,  
vt il-



2130.  
ut illam tecum noctem hilari & prompto ad iocandum animo producerem: quam iucunditatem sua quoque praesentia suaviorē nobis exhibuit generosus homo Albertus Becchius Herus Beldringensis, qui eruditione & prudentia ornatus, & apud externos feliciter versatus ultro in meā familiaritatē, quod mihi valde gratum est, sese intulit. Interea tacite gaudebam te amicum, & diu exploratum sodalem, et eundē meum conterraneū (ut cum C. Plinio castrense verbū usurpem) dignitate sapientiae, & honorum magnificentia, sicut & aetatis vigore florentē iuuenem, ad tantum fastigij euectum, ut à summis Principibus, & à doctissimis quibuscumque viris vnicū amareris. Enimvero te illustrissimo Regi nostra D. Friderico Secundo: D. Iohanni Frisio Heroi Heslagriensi, et multis alijs acceptum videbam. Sapientissimos quosque viros in nostra, quae te Professore & Medicinae Doctore habet, Academia, tibi familiares cognoscebam: è quorum numero Iohannem Monasteriensem, veterē meum praeceptorem, hominem virtutibus et ingenij dotibus excellentissimum tibi in honore esse, quod ex priuatis tuis de eo colloquijs percepi, me profecto plurimum delectat. Haec autem tua, Iohannes Francisce, felicitas ut Reipub: salutaris foret tunc petij, & nunc idem ardentibus votis peto. Nec immerito quidem id à me fieri diiudicabunt omnes: quia & tu de meo successu

A 3 lata-



letaris, et gaudes clariss: viros mihi familiari-  
tate cōiunctos, quales sunt praeclari Heroēs Ab-  
solon Vro Dominus Orsmarchiensis, & eiusdē  
vicinus Iuarius Longerus Dominus Azerstor-  
pensis, ambo literis, virtute, & stemmate insi-  
gnes, quorum vtinam studium imitarentur alij  
nostri nobiles, quos fortunæ dignitas ad gloriæ  
amplitudinem euexit. Caterum dum more Poë-  
tico, hoc est largius vino operam impendere-  
mus, Pegaso, nescio quo, sublatus Apollinem &  
Musas ad thalamum tuum adducturum me pol-  
liceri ausus sum. Me verò siue per iocum, siue,  
quod haud negauerim, seriò hac de re loquentē,  
tu, qui tuus est candor fide obstrinxisti. Ad per-  
ficiendos istos labores mihi spacium aliquot die-  
rum proponebatur. Postero die manè te itineri  
Haphniam versus accinxisti: & quia agrè  
à nobis inuicem diuellebamur, ad aulam Seropi-  
am te cum Alberto Becchio comitatus sum. Nec  
ea nox sine iucundis fabulis nobis euauit. V-  
num hoc me mouit, quòd temporis penuria per-  
strictus suauissimo meo amico Dauidi Cellio, et  
meo, quem non minus ac fratrem diligo, Iohanni  
Sasceridi scribere seorsim non potuerim. Sum-  
mo enim diluculo abitum maturasti. Nihilo-  
minus arrepta testudine, non equidem Orphica  
illa qua Dij & Heroes delectantur, sed quam  
pro loci & temporis conditione Faunus iste Se-  
ropensis mihi suppeditauit, breue, quod tibi de-  
di, car-

di,  
um  
salu  
ipsa



2130.  
di, carmen expressi, quo & amorem erga te me-  
um ostenderem, & vt amicos meos meo nomine  
salutares, admonerem. Quid autem refert illud  
ipsum, qualecunq; est, huc ascribere?

Clara medendi clara scientia

Doctor Iohannes, & nitida caput

Incincte lauro, qui sacrato

Pectore alis faciles Camœnas:

Per multa vectus regna per & freta

Causa Thaliæ, redditus es mihi

Tandem. Sed heu quid tam repente

Me veterem socium relinquis?

Tuos labores nobilium chorus

Poscit: petitq; hos nostra Academia.

Quare ô Deo Rege hinc recede,

Et socios alios require.

Quibus salutem nomine tu meo

Dicas velim: nec Sasceridem meum,

Nec Cellium fidum sodalem

Neglige, nec reliquos amicos.

Eia, quid acer Iuppiter immines

Tanta ira ab alto vertice siderum?

O cœlum, ô tellus, salumq;

Nomine propitio vigete.

Sic dulciori carmine sæpius

Cantabo Christi splendida nomina,

Qui ducit & mitis reducit

Eximie socios Minervæ.

A 4

Quod



Quod carmen rude quidem, & ieiunum,  
sed ab animo sincero profectum, tibi optimo ho-  
mini & sapienti viro non displicuisse mihi me-  
diusfidius non iniucundum est. Et meum pro-  
te votum haudquaquam irritum opinor. Sed  
enim hic inter spem & metum hæreo: siquidem  
quid horrenda ista cæli facies tibi abeunti ad-  
uexerit, nondum percepi. Dic igitur, ô optime,  
tûne saluos amicos saluus ipse reuersus inueni-  
sti? Me, si nescis, post tuum à nobis discessum  
frequens amicorum turba ad conuiuia & pota-  
tiones abstraxit. Tûm officij mei conditio me sæ-  
pè ad publica in hac terra negocia auocauit.  
Quid? quòd & multas horas cura sibi domesti-  
ca postulauit? Interea promissi memor Epi-  
thalamium ad tempus mihi præscriptum vt po-  
tui, volui quidem optimè, descripsi, ne apud te  
summum amicum, & eundem te sapientem ho-  
minem fides mea periclitaretur. Vt meum in te  
studium probes reuerenter oro. Decet enim vt  
boni & sinceri amici, quàm sese adornent mu-  
tuò, tam mutuò sibi ignoscant, etiamsi ex senten-  
tia non satis rectè, illud quod statuerunt, semper  
succedat. Certè quidem honestam piorum homi-  
num voluntatem vel ipse Deus magnificare  
consuevit. Vale & tuum Iohannem Georgium,  
quod facis, ama & bonis commenda. Ex ruscu-  
lo Flintingico, die XV. ab eo quo te ex Gezo-  
ræa Haphniam versus recepisti.

Ad



2130.  
AD D. IOH. FRAN.

C I S C V M. R.

PER nemus Aonidū, fœcundaq̃ rura Minervæ  
 Nuper vt efferrem sole nitente pedes:  
 Mirarerq̃ tuas, Tegeæ diserte, volucres,  
 Quas & apes pascit flore Thalia nouo:  
 Hanc faciem, dixi, præbet Flintingica sylua,  
 Et decorat ter tres quæ, Torontilla, Deas:  
 Tàm simili gaudet veneranda Lolandia cantu,  
 Nostraq̃, tàm dulci pectora melle madent.  
 Me benè felicem quem detinet illa voluptas:  
 Commoda crediderim tanta decere Iouem.  
 Gratia, Christe, tibi qui talia munera donas,  
 Donas & studijs oia grata pijs.  
 A strepitu vano liber, nocuoq̃ tumultu,  
 Partibus indico, quæ peragenda, meis.  
 Retibus eductis nunc pisces capto salaces:  
 Nunc mihi dulcisonas fistula fallit aues.  
 Corpus & interdum molli perstringo palæstra:  
 Interdum Latia carmina tento lyra.  
 Sapeq̃, cum socijs cœno, bibo, canto, iocorq̃,  
 Et linguæ nugas liberioris amo.  
 Sape cano Regem, patriam, sociosq̃, Deumq̃,  
 Et tribuo Nymphis nomina clara meis.  
 Me genius quòd si curis grauioribus urget,  
 Prontinus exhilarat me mea Volphiola:  
 Qua neq̃, Panthenis neq̃, culta Theophila maior  
 Extitit ingenio, pectore, voce, fide:

A 5 Vtraq̃



*Vtraq; præstantis decus inuolabile Cani,  
Vtraq; Cyrrhæi fulgida fama gregis.  
Vix ea finieram: solers apparet Agyleus  
Quem circa lepida concinuere Deæ.  
Latous pileoq; togaq; ocreisq; refulsit,  
Hoc tamen ex habitu non mihi notus erat.  
Illius ex humeris pendens testudo sonora  
Hunc ipsum Clarium prodidit esse Deum.  
Vestibus incinctis Diuæ fulsere: simulq;  
In nodum tortis emicuere comis  
Sic peregrinantes nostratum more, puellæ  
Carpere sueuerunt per loca longa viam.  
Non satis agnouì quò vellet Musica turba:  
Sic ibi perculerat me timor atq; stupor.  
Laurigeri gressum quis cernit Apollinis omnē?  
Sensa quis Aonidum singula nosse potest?  
Tandē ego: quid merui, quid nostra relinquitis  
arua,  
Quæ premitis dulcē, numina casta, chelyn?  
Nonne ego vos posthac nostra regione videbo?  
Perpetuon' facies vestra carenda mihi?  
Solut an hic degam sine vobis? solus an errem  
Tristis, & à lusu caminibusq; procul?  
Me reficit, fateor, coniunx gnatiq; pusilli,  
Quiq; mihi Bacchus pocula plena vehit.  
Me decus exhilarat Cereris, Fauniq; potentis:  
Me inuat, ardenti qui micat igne, focus.  
Quis tamen est adeò demens, adeòue superbus,  
Vt Pbæbum, & Musas nolit adesse sibi?*

*Qui*

*Qui*

*Talia*

*Tum*

*Non*

*Nam*

*Id ta*

*Cimb*

*Carm*

*Smyr*

*Nost*

*Quem*

*Doct*

*Illius*

*Hec*



2130.  
Qui caruisse potest vobis, o numina lata,  
Ingenij flammis hic caruisse potest.  
Talia dicebam (testis mihi florida Chloris)  
Dicere vel saltem talia visus eram.  
Tum leuiter ridens Aglaia: Iane Georgi,  
Pone metum, nec te comprimat angor: ait.  
Non equidem Vatem te deserit almus Apollo:  
Non te Pieridum spernit amica cohors.  
Nam licet haud possis veteres aequare Poetas.  
Nec superes Vates menteq; & arte nouos:  
Id tamen affirmo, neq; enim Dea, viuida fallor,  
Tu Sadolinae gloria stirpis eris.  
Cimbrica metropolis, tua patria cara, Viberga  
Nobilius nomen per tua scripta geret.  
Carmine tu tenero facies quoq; viuere multos:  
Sic amat ingenium Calliopea tuum.  
Smynthea quod videas Heliconiadasq; sorores  
Cedere paulisper, non ratione caret.  
Nostim? Iohannem Franciscum? pompa iugalis  
Cantibus est illi iam celebranda nouis.  
Quem veterem socium tu sic colis, vt colit ille  
Perspectae firmum foedus amicitiae.  
Doctiloquos inter Vates, Medicosq; peritos,  
Qui tenet excelsum primus honore locum.  
Illius ad nutum se profert Cesia Pallas,  
Et Iuno praestans, ignipotensq; Venus.  
Hec vbi dixisset felix Aglaia verba,  
In solitos mitem se tulit, ecce, choros.

Quare



Quare age, Iohannes Francisce faueto Camcenis  
 Ex nostris ad te quas iuuat ire locis.  
 Et tibi cum facilis sua munera portet Apollo.  
 Excipias ipsum tu fac amore pari.  
 Sic tua perpetua florescent tempora lauro,  
 Et tua Cceropio nectare vena fluat.  
 Sic tua tabificos dispellet dextera morbos,  
 Sentiet atq; tuam quilibet ager opem.  
 Sic tua progenies longos se extendet in annos  
 Posteritasq; tuum nomen in astra feret.  
 Quod super est autem, tibi nostra insignia mitto  
 Mittere quæ nuper dextera pacta mea est.  
 Illa tuo si vis musæo pingier: ò ne  
 Stent intex rigidas, effice quæso, notas.  
 Mirandis etenim sua monstrant signa figuris  
 Qui generis iactant stemmata celsa sui.  
 Hi barros, & apros, & pardos, & crocodilos,  
 Et quæ terra fouet monstra cruenta, tenet.  
 Illi Syrenas, delphinos, atque halænas,  
 Et quicquid Triton cernit amatq; ferunt.  
 Nonnulli coruos, miluos, nisosq; feroces, (bent.  
 Quidquid & in liquidis nubibus errat, ha-  
 Non ea signa traho Vates, cui Musa perennis  
 Candida Castalijs pectora rorat aquis.  
 Qui niuei genibus librū premit aureus agnus,  
 Cæruleo in clypeo fulget imago mihi.  
 Quæ mea Iohannes Francisce, insignia cernens  
 Lene tuo socio pectus inesse puta.

Cynthi-

Cynt

SPL

Ar

Arti

Diua

Flori

Seu d

Vrbs

Ablu

Insul

Quæ

Quæ

Non

Verū

Vrbs

Haph

Præ

Vtpo

Nec

Iunon

I

Vates

Nec

Stella

(Qui



2130.  
Cynthius insurgit cantu Diuæq; iocosa:  
Cantantes audi, suauiter atque vale.

A P O L L O.

Splendida magnificis domib. templisq; Deorū:  
Arceq; turrigera, regumq; superba theatro:  
Artibus & cultis claroq; decora Lycæo:  
Diuitijsq; valens, æqua & virtute refulgens  
Florigeræ seu vis perspectum Pacis honorem,  
Seu dubium armisoni Martis lustrare rigorem:  
Vrbs nitet, Eoa quæ terra Selandia ripa  
Abluitur pelago (vicina Amagæa videtur  
Insula, suauiloquis etiam celebranda Camænis,  
Quæ tot habet lepores quot Athos notissimus  
Quæ piscatura halecū fœcunda, potensq; (olim:  
Non habitatores proprios tantummodo ditat,  
Verū alios etiā venientes orbe remoto) (phis.  
Vrbs (inquā) Clarijs quæ nō malè cognita Nym  
Haphnia dicta sacris est vatibus: et meritò her-  
Præ Danorū alijs fert vrbibus illa coronā (clē  
Vtpotè cara Deo, Regi, Musisq; virisq;,  
Nec non & Veneri Venerisq; accepta puellis,  
Iunoniq; Deæ, cui curæ Danica sceptrā. (ille  
Huc vbi Iohannes FRANCISCVS nobilis  
Vates, & medica Doctōr clarissimus arte,  
Nec minus ætherei regni scrutator amicus,  
Stellarumq; sagax lustrator & arbiter acer,  
(Qui satus egregio Cimbrorū sanguine, in vrbe  
Ripæa



Ripæa, rigidis quæ non incognita Iutis  
Oceanum spectat) venisset, cepit amari  
A doctis iustisq; viris. Quos blanda Thalia,  
Quos decorat virtus, hos & fortuna nitescens  
Pectoribus doctorum infert animisq; piorum.  
Nec minimos illi fautores fata dedere,  
Virum qui celebres homines splendore corusco  
Exuperant, proceresq; alios virtute decenti  
Præcedunt: qualis Rex es Friderice secunde,  
Quem Deus euexit sublimis ad ardua regna  
Non populi vnus: qualisq; es magne Patrone  
Doctorum Vatum, præclaro stemmate nate  
Iohannes Frisi, qui diceris inclytus heros,  
Heslagriæ sedis, quæ Musis aula dicata &  
Virtutiq; sacra, & studijs pietatis amœna.  
Sic homines doctos summo amplectuntur honore  
Egregij Heroes. Quò quisq; potentior extat  
Quò melior, doctos tantò magis ille bonosq;  
Adiuvat officijs dignis meritoq; fauore.  
Virgilium Augustus, Mecænas pectore fido  
Suscepit Flaccum. Fridericus tempore nostro  
Augustus: sed tu Mecænas optime Frisi,  
Vestro etenim auxilio magni mandata tonantis,  
Præsidio & vestro florescunt patria Iura,  
Et pia Cecropiæ decorantur sceptrâ Mimeruæ.  
Vos datis Aonijs rutilantia dona ministris  
Fortunæ ô Domini venerandæ, ô sortis amici  
Æthereæ, per quos occasio ducitur alma.

Ordine



2130.  
Ordine circumstant iusto, qui mente benigna  
Iam vobis vestro grates pro munere solvunt,  
Eximij Dani, docti Germani, & Iberi,  
Et Galli, & Scoti, ac alij quos qualibet ora  
Terrarum vobis offert aut obtulit antè:  
Qui vano titulo non stantes floribus ornant  
Vos nitidis, quos nec Boreas pernicibus alia  
Dispellet, feruens neq, sicco Sirius ore  
Fœdabit: sed quos virides per multa nepotes  
Secula venturi mirabunturq, legentq.  
Inter eos autem, quos vestra alit aurea virtus,  
Iohannes Franciscus homo pius, atq, modestus,  
Primus adest, per quē Danorū Academia felix  
Non medica tantum potis est decorarier arte,  
Artibus at multis alijs quas Dædala Pallas  
E Iouis excelsi cerebro prognata, reclusit.

Conspiciū cathedra, procerūq, favore nitentē  
Paruus amor telis hunc tandem fixit acutis.  
Et meritò: Musas qui diligit, ille profectò  
Pectore sub tenero tenerum quoq, pascet Amorē  
Et licet in ter tres nil iuris habere feratur  
Ille puer Divas, Vates tamen ille frequenter  
Vulnerat: Est Nemesis testis testisq, Corinna' st  
Atq, aliæ centum, quibus auxiliantibus acer  
Traxit amor Vates. ô regna potentia Amoris.  
Quid sine amore valet? Divis amor imperat  
Imperat acer amor terræq, mariq, poloq, (ipsis,  
Nec formidat opem medicam puer iste pusillus:  
Audea



Audet enim in medicos primas armare sagittas,  
Ergò vir hic cinctus Lauro caput, atq, medendi  
Arte potens, paruo victus succumbit amori?  
Sic est. Nam Mariæ simul vt gratissima vidit  
Lumina, quam genitor Bagiorum stirpe creatus  
Progeniuit: Simul vt Maria illius ora modesta  
Aspexit, quem Pallas amans ornauit: amicis  
Ignibus incensi flagrârunt suauiter ambo.  
Per iuuenis nitidi dulces spiramina amores  
Exilière piæ mulcentes pectora Nymphæ.  
Ex oculis Nymphæ Veneres salièrè decentes  
Quæ iuuenis culti rapuerunt candida corda.  
Pacta fides: pompa est iam iâ peragenda iugalis,  
Conueniunt proceres, matronarumq, caterua,  
Et iuuenes docti, viridiq, ætate puellæ.  
Tympana mota tremunt, auditur tibia mollis,  
Tædiferum pueri resonant Hymenæa per vrbe.  
Cætera Pierides, vestro vos dicite cantu,  
Et celebrate, Deæ castæ, connubia casta.

### CALLIOPE.

Quid magis gratum teneris Camænis  
Quàm Deo grates meritas referre?

Quàmq, sponsales decorare blando

Carmine tædas?

Qui Dei laudes resonare spernit,  
Spernit aut leges thalami pudicas:

Hic pij non est hominis putandus

Nomine dignus.

Conin-



Comuges Christus Patris ille summi  
 Unicus gnatus bona vna præbens  
 Limpidi vena saliente fontis,

Mitis amauit.

Iamq; cælesti residens theatro  
 Idem amat castos homines iuuatq;  
 Et maritales thalamos frequenti

Munere ditat.

Ergo, Io hannes, venerande Sponse,  
 Te sacri Phœbi nitidæ puellæ,  
 Atq; te, sponsa ô Maria, eminenti

Voce sonamus:

Quod Dei iussu ætherei sequentes  
 Nuptias suaves agitetis, atq;  
 Casta firmetis fidei decenter

Iura iugalis.

O Venus magnis benè grata Diuis,  
 Mentibus grata ô iuuenum torosum  
 Adfer huc cæston rutili beatum

Munus amoris.

Vinculum, Iuno pia, fer fauoris  
 Candidi pulchrum, Dea quæ nouellos  
 Per tuum numen, Ioue non proteruo,

Iungis amantes.

Pallas, ô Vatum speciosa fama,  
 Gorgonis vultu posito tremendæ,  
 Supplic' sponsum decora atq; sponsam

Lenis oliua.

B

Sic



Sic Amor dulcis, placidusq, candor,  
Paxq, præcellens animos duorum  
Mutua flamma rapiet, feretq,  
Sidera in alta.

## CLIO.

Cimbrorum genitus sanguine viuido  
Iohannes (genitor quem venerabilis  
Franciscus sapientum  
Misit Pieridum in scholam.)  
Riparum vrbs viridi quæ pelago nitet  
Vicina, & validis fulgida turribus,  
Clara & laude virorum  
Doctorum quibus est valens.  
Cuius Grunditius pectora Cimbrus  
Informans grauib. moribus, & bonis  
Rebus, nomina digna  
Prudens promeruit sibi.  
Præclaros pueros, hic puer inclytus  
Vicit mente pia, vicit & artibus  
Tantum, Parthicus heros  
Quantum præ reliquis volat.  
Et sicut rutilans Hesperus aureas  
Stellas egregio lumine suauiter  
Vincit: vicit ita omnes  
Ille hic moribus optimis.  
Nec prauorum hominum molliciem sequens  
Ignauam, patriæ languit in sinu,

Corbe



2130.  
Corbe vt viminea quæ  
Imbellis volucris, iacet.  
*Vidit Teutonium, regnaq; Francica:*  
Et doctos homines audiit, & sibi  
Fidos iunxit amicos  
Et Phœbi famulos p̃ij.  
Illos dulcisonis carminibus frequens  
Ornavit Latine fila mouens Lyra,  
Sicut *Naso* disertus,  
Insignisq; *Propertius*.  
Rimauit tacitas sedulus interim  
Caussas rerum, & opus siderei Patris  
Miratus speciosum  
Addixit se medicæ rei.  
*Artis Pæoniæ Doctor amabilis*  
Factus, militiam nunc Paphiam probat,  
Gaude cui decus illud  
Contingit, *Maria* ô decens.

### THALIA.

**S**ponsam, Sponse nitens, suscipe blandè  
Vlnis molliculis, suauiter & fove.  
Nam, te digna, pedes illa decentes  
Infert, vt thalami fœdera sanciat  
Tecum casta sacri. Digna Deorum  
Lectò: Sed superi Dii tibi non negant  
Hoc munus lepidum, dulce, iocosum,  
Munus delicijs plenum & amoribus.

B 2

Quare



Quare quæ tibi Dij dant bona mites  
Fac tu percipias, & Mariam tuam  
Dilectam refoue, fidus & orna:  
Hæc multi fuerit caussa tibi boni.  
Coniunget faciles namq; propinquos  
Qui te candidulo pectore diligent.  
Gaudebit meritò stirps Bagiorum,  
Coniux vnde sibi græde genus trahit,  
Quòd tu suauiloqui doctus amicus  
Phœbi, cœnubio iunxeris hanc tibi.  
Et tu læticiam iure capeſces  
Quòd coniuncta tuo Sponsa sit hæc toro:  
Quæ fulgens placidis moribus æquet  
Castam Penelopen: quæ facie proba  
Certans, Hesionem, Tyndaridemq;  
Daphnen, & Danaën vicerit optimè.  
Felicem reputo quippè maritum  
Vxor cui bona, cui contigit & decens.  
Nam virtus animi, formaq; præstans  
Membrorum, Ambrosij munera sunt Dei:  
Quæ si quis studio spreuerit, istum  
Tu rectè reputes Arcadicum pecus.  
En, qui iudicio mentis amœnæ  
Firmatur, celebri qui genio valet:  
Cordis magnanimi dote mouetur,  
Nympharum ac rapitur corporeis bonis.  
Vos porrò facilem ducite vitam,  
Et præcepta Dei non malè temnite.

Sponsam

Sponsa

S

Conco

R

Q

T

T

Spon

S

L

T

Aur

S

Spon

S

Spon

S

Spon

S

Spon

S

Spon

S

Spon

S

Spon

S

Spon

S

Spon

S

Spon

S

Spon

S

Spon



2130.  
Sponsam, Sponse, tuam dilige, & orna:  
Sponsum, Sponsa, tuum disce vererier.  
Concordes animos, Christus Iesus  
Rex Regum, stabili numine proteget.

## EVTERPE.

QValis sereno Iuppiter in polo  
Summus coruscat cum superis sedens:  
Talis viros inter disertos  
Ingenio nitet hic Iohannes,  
Sponsi venusti nomen amabile  
Qui consecutus, connubij sacri  
Fædus ferit cum gratiosa,  
Teste Deo, sociale, sponsa.  
Aurora qualis cum reliquis noua  
Stellis refulget gemmeo in æthere:  
Talis pudicas fulget inter  
Purpureo Maria ore Nymphas.  
Sponsæ venustæ nomen amabile  
Quæ nacta, blandè connubij sacri  
Fædus ferit cum gratioso,  
Teste Deo, sociale, Sponsò.  
Grates Tonanti dicite dicite  
Sortem piorum temperat & regit  
Qui coniugum. Doctos, piosq̃,  
Certè, homines Deus haud relinquit.  
Et dum sonabunt organa Musica,  
Dum Gratiarum fiet amans chorus:

B 3

Sancite



Sancite tædas has iugales  
Vestra per optima vota, amici.  
Aulæ Iohannes Heslagriæ decus,  
Qui Frisiorum stemmate fulgido  
Natus, pios Reges, Ducesq,  
Regnaq, nostra iuuas potenter:  
Grato Deorum consilio vigens  
Qui pondus ingens alter Atlas geris:  
Præsens in hoc cœtu frequenti  
Gaudia præcipuè capesce.  
Nam (quod putabis cœlicolis opus  
Gratum beatis, ac homini vtile)  
Hæc pacta earum nuptiarum  
Te duce conciliata florent.  
Vive ô Iohannes Frisiacæ decus  
Stirps Camœnas per venerabiles  
Auro decens splendensq, lauro,  
Et tibi sit Venus alma mitis.

### ERATO.

Ecce preces fudit diuinam sponsus ad aram,  
Sponsaq, iam sua vota peregit.  
Moreq, coniuncta' st consueto dextera dextræ,  
Lexq, duos nunc detinet vna.  
Angelicæ norunt fidei data iura phalanges,  
Atq, hominum veneranda caterua.  
Mystica perficiens reuerenter sacra Sacerdos  
Coniugibus bona cuncta precatur.

Letan-



2130.  
2.  
Laetantur proceres praesentes, & rata fidi  
Singula, voce animosq; requirunt.  
Gaudia perspicua foemellae gaudia laeta  
Percipiunt quoq; pectore Nymphae.  
Et merito: nam casta probat connubia Christus  
Qui Patris est pia mens & imago  
Christe, tuo quos tu coniungis numine, sanctae  
Turbae hi dulcia gaudia praebent.  
Tympana rauca sonant, sonitum dat tibia dulcis,  
Nobile surgit carmen ad astra.  
Unanimes Divum nitidissima linquite templa:  
Vos sponsi in solium vocat hora.  
Ite viri, iuvenes, matronae, atq; ite puellae,  
Et Sponsum & Sponsam comitantes.  
Ingressiq; domum vos mensis iungite onustis  
Legitimus ceu postulat ordo.  
Viscera vestra cibo, recreateq; pectora vino.  
Isthaec munera nam Deus offert,  
Qui genus humanum varia ratione iuvare  
Consuevit Dominusq; Paterq;  
Dum Cereris donum, Bacchi dum munera sumis  
Lusu etiam consurge decenti.  
Alternis insiste iocis, nec fronte Catonem  
Tu simula Curiumve seuerum.  
Tempus habet gravitas proprium speciosa, suumq;  
Tempus habet Iocus atq; Lyaeus.  
Iuppiter aetherea non semper tetricus arce  
Fulminat: interdum sua pascit.

B 4

Lumi-



*Lumina sidereis radijs & nectare viuit,  
Diuersoq; colore nitescit.  
Sapius Æthiopum latus regione moratur  
Indulgens dapibusq;, meroq;.*

## *POLYMNIA.*

*V*Ndas vt fluij suas retorquent  
In fauces avidas freti profundi  
Dum densum madido liquore cœlum  
Effundit pluuias potentiores,  
Feruens venaq; fontium resultat :  
Voces pectora sic ferunt fluenteis  
In cœtus hilareis domus patentis,  
Bacchus dum sapido madens Falerno  
Kore almo socios probos inundat,  
Et mens viuida cogitationes  
Insurgens agitât, rotât, vehitq;.  
Quare Sponse decens, decensq; Sponsa  
Mirari nimium studete nunquam  
Quod nunc lingua Latina quodq; Græca,  
Quodq; Hebræa fluat, fluatq; sermo  
Danorum varius pijs amicis,  
Ad pompam hanc coiêre qui vocati.  
Verùm vos potius Deo benigno  
Dantes pro meritis suis honorem  
Casto læticiam fouete voto.  
Nos hæc dum canimus Chely sonanti,  
Vos ô vos, iuuenes, videte Nymphas

*Quas*



2130.  
Quas offert Ericina blanda vobis  
Mater purpureūm potens Amorum  
Nympham quisq; suam petat decenter,  
Et de more trahat leueis choræas.  
Id nunc hora monet celer diei,  
Alto & tibia spiritu repleta,  
Et percussio rauca tympanorum,  
Et pulsus citharæ sacræ sonorus.  
Torpescens quis enim vadum lutosi  
Stagni laudibus euehet? probamus  
Molli murmure quod ruit fluentum,  
Elatisq; parūm tumescit vndis.  
At ne Sponse nitens, nitensq; Sponsa,  
Soli non lepidos choros agatis,  
Surgentes pedibus solum tenellis  
Pulsate. En Hymenæus ille mitis  
Insurgit facibus, sacrisq; tædis,  
Vos & præ reliquis facitcoruscos.

### MELPOMENE.

Sponse, beata Cypris  
Cui Dionæa tetigit tempora flaua myrtos:  
Sponsa, Cupido mollis  
Cuius à vultu rutilo lumimibusq; claris  
Aureolas sagittas  
Fervidas reddit, quoties pectora docta  
Vulnere gratio (Sponsi  
Stringet: ô finē facite his molliculis choræis,

B 5

Et rea



*Et requiem parumper*

*Ferte. nam alterna requie quod caret, id ca-  
Pocula plena vini* (ducum est.

*Spumei vobis capite, et corda rigate vestra.  
Ac citharæ canoræ*

*Carmē insurgens placidè, suscipite aure pura  
Vos et amœna vestris*

*Quæ viri docti referunt per Charitum fauo-  
Pectoribus benigni* (rem

*Verba (nam verbis lepidis quid melius?)  
Sed pie Sponse, mæstus* (probate.

*Tun' sedes? quid? num gemitus pectore  
Tu trahis inuidendos?* (tām profundo

*An graues et tu lachrymas fundere, Spon-  
Scilicet hora longa* (sa, tentas?

*Ducitur vobis. Benè habet: tempus adest  
Tempus adest beatum,* (iocosum,

*Tempus aduenit celebri carmine Gratiarū  
Castalidūmq; dignum,*

*Quo Venus nullū potuit commodius decora  
Ferre suis ministris.*

*Sic Deus iustos homines magnanimus gu-  
Sponse benigne, surge:* (bernat.

*Surge cum Sponso nitido perueneranda  
Monstra, Hymenæe, flammæ* (Sponsa.

*Nobilis monstra rutilas, ô Hymenæe flam-  
Nox ea dante Christo* (mas.

*Sponsulā Sponso socians candidulā vigenti  
Efficiet*



2130.  
Efficiet moretur

*Vna mens semper residens corporibus duo-*  
Tu modò, Sponse, lude : (bus.

*Lude cum Sponsa facili deliciosa Sponsa.*

## TERPSICHORE.

**Q***ui spacio  
Lucida suenit*

*Lumina latus*

*Fundere cælo :*

*Iam speciosam*

*Subtrahit orbi*

*Fessus eundo*

*Lampada Titan.*

*Et caput effert*

*Nobile nigræ*

*Noctis amicus*

*Hesperus index.*

*Occupat autem*

*Maxima terræ*

*Regna patentis*

*Labilis vmbra.*

*Nocte sub ista*

*Ne tibi desis,*

*Nèue deinceps,*

*Sponse, labora.*

*Quæ Deus vltro*

*Munera donat,*

*Hæc*



Hæc tibi grato  
Suscipe corde.  
En, melius nil  
Coniuge fida.  
Illa corusco est  
Carior auro.  
Quare age te iam  
Iungito sponsæ,  
Sponse, nouellæ:  
Atque tuo te  
Subdito Sponso  
Sponsa pudica.  
Basia blanda  
Carpite, quodq;  
Iure sequetur.  
Cœlica sic vos  
Gratia læto  
Flamine cinget.

### VRANIE.

**L**æde ô Sponse pijsime,  
Ludentemq; iuua Sponsa venustula:  
Et certate fauoribus  
Dignis, & lepidis viuite Amoribus.  
Cingant perpetuo choro  
Hunc vestrum Charites prænitidæ torum.  
Et concordia myrrheis  
Has ædes repleat mitis odoribus:

Ornet



2130.  
Ornet vos Deus optimus  
Gazis Attalicis, robore corporis:  
Vos & reddat amabiles  
Regi, nobilibus, Vatribus Entheis.  
Increscatq, nouis genus  
Vestrum pignoribus, quæ celebrent Deum,  
Quæ vobis genitoribus  
Præstent obsequium, præsidium, decus.  
Tum demum egregij senes  
Exemplo teneris este Nepotibus.  
Exemplo este pia omnibus  
Vita coniugibus, gentibus omnibus.  
Tam tellus, freta, sidera,  
Quam quicquid refouet terra, salum, polus,  
Vobis auxilium ferat  
Aduersus Stygiæ sceptræ tyrannidis.  
Hæc vobis tribui petunt  
Musæ laurigeræ, Phæbus & aureus  
Vobis hæc etiam dari  
Exoptant socij quæ pietas placet.  
Vos Hemmingius optimus,  
Vos & lætus bonos Thespiadū decens,  
Vos Cnopperus amans Dei,  
Vos & Sascerides laus Latia Lyra,  
Vos & multi alij colunt  
Pro vobisq, rogant munificum Deum:  
Fortunamq, simul petunt  
Vestram pacifico numine dirigi.

Quod



Quod Musæ faciles volunt,  
Quod docti cupiunt, hoc Deus approbat,  
Ergò ludite, ludite :  
Nos Nymphæ Aonides claudimus hunc  
torum.

*Simpliciter virtutis amore.*





2130.  
IOHANNIS  
GEORGII SADOLI  
NI VIBERGII FA-  
sciculus Apollinaris.



IOH. GEORG. SADI  
DOL. VIBERGIVS D. IOHAN.  
NI FRANCISCO RIPENSIS  
nobili Poetae, & Medicinæ  
Doctori salutem.



EPITHALAMIO, QVOD  
tibi D. Iohannes Francisce de-  
scripsi, iam finito, atq, utinam ita  
ad amussim elaborato, visum est  
paucula quædam carmina ad-  
iungere, quæ si tibi alijsue non honori, certè qui-  
dem voluptati forent. Id enim iamdudum per-  
spexi, meos lusus doctissimis quibuslibet nō in-  
gratos, nec omninò iniucundos fuisse: quæ res  
mibi incitamento erat, ut adolescens, & deinde  
ætate florenti, plurima scribendo congererem.  
Cæterum cum Poëmatum meorum libros evol-  
uerem, nihil deprehendi quod ab illis commodè,  
circa



citra voluminum mutilationem, distraherem.  
Enimvero opera mea Musica in libros Elementorum Christianæ religionis, Hymnorum, Sylvarum, Distichorum, Amorum, Odarum, Regum Danicorum distinxeram: quæ omnia sic digesta sunt, ut lucem propediem, Deo fauente, sint appetitura. Neq, enim, ut illa, à se inuicem, opera diuellerentur, permittere volui, non quòd ea quæ ingenio meo in rebus melioribus perfecta sunt, tibi negarem, qui longè preciosiora, quàm mea sunt, dona mereris: Sed ut illas meas lucubrationes tibi pariter ac alijs bonis hominibus integras et intemeratas conseruarem. Tunc schedarum mearum nescio quem acervum perlustranti sese mihi in manus iniecit fasciculus quidam perpaucorum carminum, quæ nondum in vllum ordinem, sicut alia mea Poëmata, reduxeram. Hunc ego cùm dissoluerem, examinarem, recognoscerem, utilia nonnulla in eo reperì, vnde libellum formari posse iudicaui te nõ prorsus indignum, qui talibus materijs multum delecteris. Nouum autem carmen vnum, atq, alterum, Apolline non renuente, adieci: & titulum, quem sors obtulit, seruaui, neq, elegantiorẽ effingere curavi. Nam & noster ille Ioh. Oecolampadius, Theologorũ vera lucerna, Græcanicis suis rudimentis Dragmatum appellationem indidit, eò quòd illa præcepta quasi in manipulos (agnoscis hoc medicum verbum) & fasci-

fa)  
vt  
gu  
et  
ru  
vt  
spa  
na  
me  
fit  
un  
fic  
ue  
br  
gn  
fr  
ru  
tr  
li  
V  
gi  
qu  
ol  
di  
ci  
iu  
sc  
te  
so



2130.  
fasciculos collecta viderentur. Euentus fecit  
vt cuilibet carmini nomen meum adderem. Sin-  
gulis enim suum carmen pagellis, quæ conscissæ,  
& propterea circumducto filo colligatæ, iacue-  
runt, inscripseram: totiesq; nomen addideram,  
vt si fortè nodus ligaturæ dissolueretur, foliaq;  
spargerentur, ex adiecto nomine famulus carmi-  
na mea agnosceret, agnita inscriberet, nec pro  
meis aliena libellis meis insereret. Equidem sapè  
fit, vt amicorum, quorū apud me scripta reperi-  
untur, manus meæ nō dissimilis appareat, & dif-  
ficulter ab incauto adolescente distantia animad-  
uertatur. Cū verò in vnum, quem cernis, li-  
brum, omnes eas pagellas redigerem, non ma-  
gnopere referre existimaui, si, vt scriptum erat  
frequenter nomen, sic etiam annotatum in postea-  
rum legeretur. Id si cuiquam tædiosum arbi-  
traris, obstaculū transuerso calamo, prius quàm  
librario hoc scriptum committatur, tollere potes.  
Verū bonis & doctis tuum nomen (inquis)  
gratum est: neq; enim quid improbi garriant,  
quid à Musis alieni Bucephali hinniant, quid  
obsceni porci gruniant, qui altiori animo præ-  
diti sumus anxie inquiramus. Rectè meher-  
clè, & valde sapienter tu, Iohannes Franciscæ,  
iudicas: neq; enim tam ineptus sum ego, vt fa-  
sces mearum Musarum istorum censuræ submit-  
tere velim, quibus elegantiores literæ non modò  
sordent, sed & ò insaniam, ludibrio sunt. Itaq;  
C quod



quod à nobis scriptum est, nolente volente amulo,  
legitor: imò & hac in parte immutabilia  
Musarum consilia & decreta S. P. Q. Poëtico  
approbante, stanto: nec, vt à quoquam imperi-  
to hæc constituta rescindantur, permissa sunt.  
At hac lege exempti estote, ô docti & sapientes  
viri, qui, quid vtile? iucundum? discernere  
potestis. Proinde tibi D. Iohannes Francisce,  
& omnibus illis quos tu amas, & qui tibi fa-  
uent, hos lusus dicatos volo, vt eo argumento  
apud posteros testatum sit, quanta inter nos fa-  
miliaritas fuerit, existat, et futura sit, nō tantum  
quoad in hac mortali vita luce fruemur, verum  
etiā in æterna illa societate, qua immortales bo-  
norum animi decorabuntur, cum Christo Domi-  
no gaudium sentiemus. Vale cum vxore  
& familia. Amicos saluari cupio D. La-  
gonem & Othonem eruditissimos ex Brochen-  
busiorum nobili progenie homines, & item ali-  
os quibus nosti nostra studia in delicijs esse. Sa-  
lutant vos omnes D. Georgius Christiernus  
consanguineus meus, & D. Petrus Conradus,  
meus vicinus vir ingenio & humanitate præ-  
stantissimus. Reliquos adderem, sed dandus est  
modus Epistolæ. Nunc carmina adiungam.  
Et quia Musarum auspicio hoc opus suscepi,  
eas primum placabo.

Ad



2130.  
*AD MVSAS. IOH.  
GEORGIVS.*

**M***V*sæ progenies Iouis,  
Quæ Vates facitis bonos  
Vltrò iungite vos mihi  
Vt doctis placeam viris.  
Nam vestro sine numine  
Quis cultam citharam premet?  
Et vestro sine flamine  
Quis doctè potis est loqui?  
Si fiam sapientior,  
Vates siq; celebrior,  
Ornabo patriam piam  
Vestrum sæpè canens decus.

*IN NATALEM DOMINI  
nostri IESV CHRISTI Ioh.  
Georgius.*

**A***N*nua lux redijt qua summi Patris imago  
Christus ab intacta virgine natus homo  
Ille dies celebris toto cantabitur orbe (est.  
Donec erunt homines, donec & alma Fides.  
Ille fuit Patribus, iustis fuit ille Prophetis  
Optatus, Dominum qui coluère, dies.  
O nitidum tempus, gaza preciosius omni,  
Humano generi quàm bona multa vehis.  
Tu nox, ô sacra nox, lepidi ô nox conscia partus,  
Auricomo dignum lumine nomen habes.



Cœlica te meritò decorarunt gaudia, teq;  
Lustravit pietas perueneranda Dei.  
Te monstrante novos radios, nox blanda, phalan-  
Angelica rutilis enituère comis. (ges  
Tunc data pax homini misero de sedibus altis:  
Tunc Stygij primùm spicula fracta Ducis.  
Ecce, etenim Christum pura iam virgine natum  
Pastores docuit flammea turba rudes.  
Non humiles spreuit personas dia caterua,  
Pauperibus se sic inserit ipse Deus.  
Pastores igitur hac mansuetudine ducti  
Pectoribus condunt nuncia sana suis.  
Sic Fidei testes, sic Religionis amicos  
Omnipotens Dominus multiplicare solet.  
Sic manifesta Deus sua reddit dogmata, ne quis  
Natalem ignoret, maxime Christe, tuum.  
O Patris æterni bonitas qui misit Olympo  
Sidereos, moneant qui pia corda, choros.  
Angelus ut Mariã gravidã fore flamme san-  
Prædixit, nomen cui Gabrielis erat: (cto  
Sic quoq; descendens conuexi è vertice cœli  
Iam genitum asseruit turba corusca Deum.  
Quæ tibi nunc mens est? tibi quæ demētia curæ  
Impie? quid spernis munera tanta Dei?  
En per flammigeros sapientia celsa ministros  
Prodita non potis est luce carere sua.  
Quippe Prophetarū iam nō ænigmata claudunt,  
De Christi aduentu quod sonuère Patres.  
Ange-

Angel  
E  
Cur n  
1  
Hos q  
1  
Scilic  
1  
Ipse  
1  
Hic  
Nox  
Par  
Nō  
Hæ  
Læ  
No  
Qu  
Ad



2130.  
Angelicus cantus, pastorum sermo, locusq,  
Et virgo pariens monstrat adesse Deum.  
Cur non venerunt testes, quos maximus orbis  
Diuitijs claros ingenioq, putat?  
Hos quoq, quid Christi natali haud iussit adesse  
Hic, qui pastores iussit adesse rudes?  
Scilicet ut cuncti moneamur abesse decere  
E vera fastum religione grauem.  
Ipse Deus mitis mens est, oditq, superbos:  
Elatosq, animos non amat ille puer.  
Hic non splendor adest pomposus, at omnia nato  
Tenuia: sed tenuis res quoq, clara nitet.  
Nox erat, at noctem decorauit caelica flamma,  
Et puerilis honos, virgineumq, decus.  
Parua domus, quam nō ornauit magna supellex,  
Qua nasci voluit filius ille Dei:  
Nō erat hic candens byssus, nō purpura fulgens:  
Incinxit puerum veste puella leui.  
Hæc genitrix, hæc & nutrix, hæc fida ministra  
Vlnis suscepit pignora sancta suis.  
Læta salutifero dedit oscula plurima gnato,  
Et tenero flatum traxit ab ore sacrum.  
Non dolor hanc vllus parientem pressit, opinor,  
Vtpote quam iuuat Spiritus ille Dei.  
Quā quoq, non læsit Veneris perblanda voluptas  
Huic enitenti non cruciatus erat.  
Adde quod & veluti maturus fructus Iesus  
Prodiit in lucem sponte suapte, puer.



Salve sancte puer, puer acceptissime salve :  
Tu Rex Occasus, Rex Orientis eris.  
Tu Deus es fortis, venturique arbiter aui  
Perpetuae Princeps tu quoque pacis ades.  
Virgine tu natus, Patris o nitidissime sermo,  
Ad decus humani nominis, ecce, venis.  
Te duce parta pijs est gratia, te quoque Rege  
Limina sublimis sunt reserata poli. (claro  
Christe homo, Christe Deus nos numine protege  
Qui sumus auxilio turba redempta tuo.  
Sic tua laudabit coelum, tellusque, fretumque,  
Nomina: teque Deum cuncta creata colent :  
Natalemque tuum leti celebrabimus omnes :  
Imperio et dedit se pia corda tuo.

Dedicatum sacrumque Servatori.

NORMA VITAE CHRISTIANAE.  
Iohan. Georgius.

Dilige, sperne, time, fratre, peccata, Tonantem,  
Iusto, acri, stabili, pectore, mente, fide.

IN NATALEM POTENTIS-  
simi Danorum, Noruegicorum, Gottorum et  
Vandalorum etc. Regis D. Friderici  
secundi, Ad D. Ioh. Francisc.  
Ioh. Georgius.

Ulias lux haec reuebit Calendas,  
Lux pijs semper celebranda Musis,

Donec

Do

Da

Re

Ed

Flo

Gr

Ho

Th

Et

Da

Fa

La

Ch

Ian

Qu

Da

D

G

Ba



2130.  
Donet aut arcu aut cithara nitebit  
Phœbus Apollo.

Danicæ gentis Fridericus ille  
Rex, aui nomen referens honestum  
Editus luce hac, pariente matre,  
Venit in auras.

Floribus Vatem decorate vestrum  
Gratiæ cultæ Aonijs: choræas  
Hoc die nam continuabo gratas,  
Plectraq; tangam.

Thuraq; incendam placidus Sabæa,  
Et graues curas cyathis leuabo  
Dulcibus, lususq; ciebo, doctos  
Inter amicos.

Fac dies festus redeat quotannis  
Latior: Regemq; bonum tuere  
Christe, qui regnas Deus, ô parentis  
Mitis imago.

Iane Franciscæ, hanc resonato lucem  
Quapius Rex est genitus: tibi nam  
Dant suos flores Charites, suumq;  
Pallas honorem.

DE CORONATIONE D. FRI  
derici secundi Regis D. Ioh. Georgius.

GAudio exultet Borealis orbis  
Quem fouet doctas agitans choræas  
Balthicus Nereus, lepideq; ludens  
Cimbrica Tethys:

C 4

Qua



Quæ sacrae Nymphæ viridesq; Diuæ  
Molliter rident, placidoq; saltu  
Suscitant sese, tenuiq; lætæ  
Murmure surgunt.

Regium pura diadema fronte,  
Aureum sceptrum manibus decoris  
Lucidam & sphaeram, generosa signa,  
Fert Fridericus.

Filius Regis pia Christiani  
Facta qui Rex ipse coruscus urget  
Et toga clarus facili, seueris  
Clarus & armis.

Christe, qui Reges regis usq; celsos  
Rex potens, Regem hunc, rogo, fac nitere  
Viribus membrorum, animiq; iusto  
Robore culti.

Sic tuus seruus tua personabo  
Nomina, in summo residens theatro  
Qui poli puri Deus, omniumq;  
Rector & altor.

DIVO CHRISTIANO  
III. Regi. D.

EN, Christianus Tertius  
Rex Daniae, Noruegiae,  
Et Vandalorum, & Gottiae,  
Holsatiae, Ditmarsiae,  
Princepsq; gentium bonus

Complua



2130.  
Complurium, depostus hoc  
Iacet sepulchro, quod sacra  
Custodiunt Musæ: quod &  
Ornat minerva florida:  
Quas ipse viuis Regio  
Ornauit olim munere.  
Viator, illustrissimi  
Regis decus clarissimum  
Famamq; nobilissimam  
Honora: & hinc cedens, vale.

Regi & Domino suo consecrabat Ioh.  
Georgius Sadolinus Vibergius.

DE FRIDERICO  
II. Rege D

**F**Rôte, Paris: lingua, Nestor: sed pectore Vlyf-  
Robore, Pelides Rex Fridericus adest. (ses:  
O Musæ, ô Charites, Regem seruate vigentem  
Qui patre defuncto Danica sceptrum tenet.

TABVLA REGIA REGIS  
Solomonis, Ex VI. Sapi. Versibus tra-  
ducta, Ioh. Georgius.

**A**Vrea præualidas superat sapientia vires:  
Cōsilioq; valens melior quā robore pollens.  
Quare agite, ô Reges, qui Mundi frena tenetis,  
Qui regitis terræ fines populosq; feroces,  
Dogmata suscipite hæc, animisq; insigite vestris.

C 5

Nam



2  
N  
Nam datur à Domino sublimi cuncta potestas.  
Vestra is facta notat, secretaq; pectoris imi  
Pandet, diuinis oculis qui singula lustrat.  
Quando ministerio vos hic præfecerat orbis  
Iusticiæ ad normam nitidæ non iura dedistis,  
Nec Domini legem curastis consiliumq;.  
Vos igitur summus Rex castigabit acerbè.  
Namq; Deus proceres rigidus pulsabit iniquos,  
Monstrabitq; illis durus diuina flagella.  
Plebeios homines venia dignabitur ille:  
In transgressores Reges se proferet hostem.  
Non equidem Dominus personam respicit vllã,  
Non metuit quenquam, timida formidine liber.  
Ipse humilem fecit solus, fecitq; potentem:  
Atq; æquo studio nunc hunc, nunc curat & illũ:  
Verũ præcipuè procerum Deus aspicit acta.  
Pandite propterea, Reges ô lumina mentis  
Quæq; sit excellens Sapiencia discite cuncti.  
Hæc præclara equidem marcescet tempore nullo,  
Quam quicunq; colit fit pectore lynceus ille,  
Ille Deam inueniet prudensq; probusq; piusq;,  
Hancq; amplectetur Nymphã diuinus amator.  
Hæc offert vltro sese vltro præbet amanti,  
Et matutini placida sub temporis hora  
Hanc quisquis querit studioso pectore, Diuam  
Inueniet præsens in prima limine stantem  
Atq; suis mystis bona plurima diffundentem.  
Hanc quicunq; animo versat, perfectus abibit  
Et So



2130.  
Et Sophia nitidus Princeps cantabitur ille:  
Et securus erit, vigilans qui suscipit illam.  
Illa etenim dignos se querit ubiq, & ubiq,  
Occurritq, bonis, virtus quos suscitatur ingens,  
Hisq, viam ostendit sacra ad penetralia Diuinum  
En, sapientiae opus doctrinam adamare decente:  
Curaq, doctrinae est leges seruare verendas:  
At leges seruare bonas est vita perennis:  
Mortales demum haec similes facit esse Deorum.  
Vnde patet verum sanctae Sapientiae amorem  
Ducere splendorem ad regni virtutis alumnos.  
Quare si solium, si regna probabitis, o vos  
Magnanimi Reges, Diuinam sapientiam amate.  
Imperium vobis diuturnum sic Deus addet,  
Seculaq, producent vestri numerosa Nepotes.

## DE VICTORIA DOMINI

nostri IESU CHRISTI.

Ioh. Georgius.

**I** Am corde puro Ecclesia  
Syncera prode gaudia.  
Sonet polus, tellus, fretum  
Summi Parentis filium.  
Peccata, Mortem, Tartara  
Virtute vicit propria.  
Rex Christus & verax homo,  
Rex Christus & verax Deus.

Caele-



*Cœlestis aula panditur  
Cunctis Dei fidelibus.  
Per filium illustrat pios  
Pater corusco lumine.*

*Honor parenti cœlico,  
Honorq̃, miti Filio  
Honor sacro sit Flamini,  
Vni Deo, ter maximo.*

*Dedicatum sacrumq̃, seruatori.*

## **DE IMPERIO POTENTIS.**

*simi Regis D. Friderici Secundi,  
Iohan. Georgius.*

**Q***uæ monte claro, doctiloquæ Iouis  
Gnatæ, potentis munera sumitis  
Diuina Phœbi gloriosi,  
Vnanimes precor huc venite:  
Vultusq̃, lætos, lætaq̃, pectora  
Monstrate: quin & carmen amabile  
Proferte quod cœlum, solumq̃  
Mulceat, vndisonosq̃, fluctus.  
Nam Christiani Regis amabilis  
(Quem nunc tulerunt fata tenacia)  
Iusti q̃, gnatus, Rex creatus  
Sceptra gerit Fridericus aurea.  
Ah quis dolores pectore tabido  
Prodet? quis acri mœsticiam trahet*

*Corde*



Corde? hinc dolor durus facessat,  
 Lux ea lætitiā requirit.  
 Lux quæ coronam detulit inclytam  
 Tām candido, tām magnanimo duci:  
 Lux quæ Ducem hunc Regem notauit,  
 Et moderamen ei dicauit.  
 Ciues benigni gaudia promite,  
 Vatesq; culti iubila fundite:  
 Lætetur & tellus, polusq;  
 Et freta se exilarent profunda.  
 Aras Dei iam condecorarier,  
 Et grata Bacchi pocula nobilis  
 Libarier iam tempus vrget:  
 Vrget & hoc Deus ille summus.  
 Qui gratioso lumine splendens  
 Iustas tuetur, qui reprobos minis  
 Hostilibus feruens retundit  
 Iustitiæ memor vsq; sanctæ.  
 Qui Regis huius pectora suauiter  
 Sano gubernat numine Rex potens.  
 En, quos Deus Rex derelinquit,  
 His neq; sunt diuturna regna.  
 Quid? dū cano, me cælicus impetus  
 De Rege nostro vaticinarier  
 Cogit. mihi quæ dictitantur  
 Tu rata cuncta, Deus, iubeto.  
 Rex noster ille hic pectore feruidus,  
 Et veritate & iusticia nitens,

Pro



Pro legibus sacris labores  
Et gregibus rigidos subibit.  
Hic sceptrum latum porriget in mare:  
Terrisq; multis cognitus efferet  
Palma vigentem: Caesarumq;  
Magnificencia ei fauebit.  
Hic clarus inter præcipuos viros,  
Cætu vt Deorum Iuppiter optimus,  
Et Laureum donum aureumq;  
Aonijs tribuet ministris.  
Nam per labores Pierij chori  
Laudabitur: tum carminibus sacris  
Tædæ illius magnum nitorem  
Accipient, decus & perenne.  
Transacta vitæ secula post suæ  
Cælum capescet, quæ residet pater  
Cum filio, Flatuq; sancto.  
Cui Deus, hic animo Tonanti est.  
O vota, Vates, fundite fundite,  
Deumq; summum flectite flectite,  
Vt mitis hunc Regem gubernet,  
Regnaq; Danica semper ornet.

DE OLORE REGIS DANIÆ

Ad D. Iohan. Franciscum R.

Ioh. Georgius.

EXimiū decorant Regem sacra carmina vātū:  
Vatibus Aonijs Rex bonus ipse fauet.  
Nomina



2130.  
*Nomina dant Vates: laurū Rex donat & aurū.  
Sic Rex, sic Vates munera digna ferunt.  
Edocet hoc nitido vinctus diademate Cygnus  
Danorum Regi qui benè iunctus adest.*

*DE OBITU SANCTIS: REGIS  
Dni CHRISTIANI Tertij, ad filiam eius  
D. ANNAM, nuptam S. Duci Ele-  
ctori, D. Augusto.  
Ioh. Georgius.*

*O Christiani Daniadum pij  
Gnata, Anna, Regis: Principis o probi  
Præclara coniunx, Principumq;  
Mater amabilis optimorum:  
Quid fata luges tristis & impotens  
Cari parentis? Dania quem dolet  
Amissum berum, fidumq; Regem,  
Palladis & nitidæ patronum.  
Finem proteruis pone doloribus:  
Absterge bellis has lacrymas genis:  
Grates Deo iustas coruseo  
Solue: pium exhilara maritum.  
Rex Christianus nobilis & potens,  
Quem tu parentem diligis unicum,  
Regnum relinquens hoc caducum  
Regna Dei pius occupavit.  
Nunc ergo Christi lumina fulgida  
Cernit beatus, dulceq; cœlitum*

*Agmen*



Agmen videt latus: nec orbis  
Sceptra debinc sibi postularet.  
Hac lachrymarum valle quid est boni?  
Hac regna Mundi quidue suis ferunt  
Lucri ministris? post labores  
Nonne graues, precor, hinc eundum? st?  
Regno nitentis qui fruitur Dei,  
Huic nec noccebit Tartareus furor:  
Hunc nec prement hostes maligni  
Quos sociat sibi Mundus iste.  
Tu Christe, gratis qui tribuis probis  
Cæleste regnum, quiq; bonos vebis  
Fama perenni, nos gubernas  
Vt placeant tibi corda nostra.

## DE STUDIO VERBI DEI,

Ala: Ioh. Georgius.

**N**Os licet aspiciat lepido Rhamnusia vultu,  
Perpetuam vitam non tamen illa dabit.  
Nam certe simul ac horrida mors venit  
Quæ premet Reges miserosq; seruos,  
Cedet vita leuis velut  
Puluis & umbra.  
Si tamen vllum  
Illustrem probitas facit  
Et patris verbum placidum supremi,  
Multas diuitias hic sibi colliget,  
Colliget & nomen perpetuumq; decus  
Sedibus in superis vbi erit longissima vita.

Precas



2130.  
**PRECATIVNCULA EX**

*dicto Iosaph: Ad exemplum D.*

*Ioach: Camerarij.*

**D***um pater alme  
Pectoris alti*

*Luce carentes*

*Subdita multis*

*Turba periclis*

*Usque vagamur:*

*Tollimus ad te*

*Maxime rerum,*

*Cordis ocellos,*

*Præsidiumq;*

*Mente fideli*

*Poscimus abs te:*

*Consilij tu*

*Pectora sanis*

*Nostra gubernâ,*

*Vt tibi laudes,*

*Vota, precesq;*

*Sæpe canamus.*

*Deo opt: max: dedicabat Ioh. Georgius  
Sadolinus Vibergius pro læto rerû successu.*

**AD D. NICOLAVM HEM-**  
*mingium, pro editis ab eo doctis & utili-*  
*bus in Philosophia & Theologia Mo-*  
*nummentis. Ioh. Georgius.*

**G***ratias nostri tibi sempiternas,*  
*Doctör Hemmingi, referent Nepotes,*

*D*

*Qua*







2130.  
TABVLA MORALIS CATO-

nis, metro latino exposita,

Iohan: Georgius.

**Q**Vādo ego nō paucos homines errare vidērē,  
Virtutisq; sacra non veram carpere callem,  
Consilio miseris volui succurrere sano,  
Laudandā vt possent vitam traducere, nec non  
Ad summū faustis auibus consurgere honorem.  
Quocircā praecepta tibi, puer optime, tradam,  
Vt placidis animi possis cōponere mores. (quid  
Tu lege: nec tantū lege: verū intellige quicq;  
Ipse docebo boni: quia qui legit, ille profectō  
Negligit hoc ipsum quod non intelligit ipse.

Corde igitur toto summū venerare Tonātem,  
In lucem qui te genuere parentibus omnem  
Praesta non studio prauo deceptus honorem.  
Dilige cognatos, doctumq; verere magistrum:  
Quæ commissa tuæ fidei sunt, sedulus vsq;  
Conserua, cuiquam ne sis malè fidus amico.  
Artibus his tenerum pectus formare labora,  
Quæ patriæ possunt populoq; adferre salutem.  
Vive probis iunctus, prauorum despice cætum.  
Ne prius ad litem propera quā ritè voceris.  
Fac ne sordescas, at mundus in omnibus vt sis.  
Impartire libens non ficto corde salutem.  
Si minor es, prudens homini concede potenti:  
Si maior, socium miti cole mente minorem.  
Rem tibi custodi, ne fias forsan egenus.  
Admonitus castos, & sanos indue mores:  
Si natura deest, fac curæ dona sequare.

Tabula

D

2

Doctus



Doctus ut euadas doctos euoluito libros :  
Quæ sunt lecta tibi, memori tu mente locato.  
Non aliena petes : curato domestica tantum.  
Vtere congressu facili, lingua vtere miti.  
Morosus ne sis, neq; iurgia nocte nefanda.  
Effugias quenquam naso suspendere adunco.  
Sis largus, verum sapienter prospice cui des.  
Iudicio tete, nec non tutare sodales.  
Conuiuas & raro voca, & sis raro vocatus.  
Noctem da somno, lux est tribuenda labori.  
Quod bene iuraris tu perfice mente fideli.  
Ne nimio Baccho genij prosterne vigorem.  
Pro patria pugna, patriam defendere iustum est.  
Ne temere credas, multi mendacia dicunt.  
Nitere consilio proprio si te bene noris.  
Militem Veneris fuge, Palladis arma capeſce.  
Mendacem rigidis linguam conſtringe lupatis.  
Vince bonos meritis, pereunt quæ das bona prauis.  
In vitam alterius conuitia fundere noli.  
Effice ne pereat tibi nomen, fama, decusq;  
Iudicium ad normam pietatis ferre ſtudet.  
Vincito dilectos patienti corde parentes.  
Eſto memor, quiſquã tibi cum benefecit amicus.  
Rebus ut aſſueſcas, prætoria celſa frequenta.  
Fac animum decoret veneranda ſcientia legum.  
Vtere virtute eximia, non vtere fraude.  
Iram etiam iuſtam rectè moderier opto.  
Sperne malos luſus, & honeſtos quære labores.  
Non modò quod poteris, quod fas eſt ſedulus  
vrge.

Si bo

Si bo  
Non  
Dilig  
Et pi  
Quan  
Dum  
Iusti  
Cuius

DL

IV  
Tolla

O  
Dan

Eſt  
Qua  
Quo

Re  
Re  
Iup



2130.  
Si bonus es, præ te socium ne sperne minorem.  
Non aliena petes, propria tu viuito sorte.  
Diligito uxorem sociam vitæq; necisq;  
Et pietate tuos atq; artibus imbue gnatos.  
Quam tuleris legem, patitor: nec subtrahere tete.  
Dum conuiuia sedes, lingua parcissimus esto.  
Iusticiæ ad methodum vestigia dirige vitæ.  
Cuiusvis hominis ferto prudenter amorem.

DE REGE DANIAE, AD PI-  
etores. Iohan. Georgius.

Iusticiâ quisquis potis est cognoscere sanctam  
Hic Regem nostrum pingere ritè potest.  
Tollito iusticiam, Rex est sublatu: at illam  
Da Regi, Rex est par in honore Dijs.

LAVDES DANIAE.  
Ioh. Georgius.

O decus Phœbi rutilans micantis  
Grata testudo, resonato carmen  
Daniae laudes referens piqu,  
Regis honorem.

Este vos nobis faciles Camæna  
Quarum opem implorant lepidi Poëtæ  
Quos iuuat blandæ citharæ sonora  
Tangere plectra.

Regiam terram celebrate mecum  
Regiæ Nymphæ, pius ecce Rex est  
Iuppiter qui vos docet, atq; mandat  
Dicere laudes.



Danicus Rex est pius & benignus,  
Qui solet vestrum decus atq; nomen  
Prosequi candore bono piæq;

Mentis amore.

O solum sanctum, Iepidum, venustum  
Quam tibi laudem tribuent canentes?  
Tu tuo verè superas nitore

Plurima regna.

Gentibus si quid dabimus vetustis  
Fama præcellens decorabit almam  
Daniam, qua stirps Iapeti occupavit

Germine nata.

Hic pater nostris populis putatur,  
Docta ceu tradunt monumenta Vatum,  
Cui Semum Chamumq; ferunt eodem

Sanguine ductos.

Sceptra qui primùm tenuit superba  
Dan pio regnum studio gubernans  
De suo regnum voluit beatum

Nomine dici.

Hunc virum Reges alij sequuntur  
Quos simul si iam cuperem referre  
Protinus grandi rueret fatiscens

Musa labore.

Dania ô felix, nimis ô beata es  
Dùm tui Reges, Comites, Ducesq;  
Obtinent pomum, gladium, atq; sceptrum,

Atq; coronam.

Quid tibi maius poteris precari?  
Quid tibi maius Deus addet, oro,

Quam

Quam

Cerm

Me, e

Ciui

Suba

Regi

Legi

Inco

Opti

In p

Pax

Asp

Dan

Ten

Vri

Mu

Na

Da

Ho

Qu

N

N



2130.  
Quam probum Regem, pietatis atq;  
Pacis amantem?

Cernite ô regnum populi, monente  
Me, exeri nostrum: facilemq; mentem  
Ciuum & mores, pia subditorum  
Facta videte.

Subditi viuunt pietate clari.  
Regna conseruat Deus atq; adornat  
Legibus sanctis, decoratq; sceptris  
Danica Christus.

Incolas concors animus fauore  
Optimo iungit, resonantq; sancta  
In pio cœtu stabiles Tonantis  
Dogmata gentes.

Pax viget: floret veneranda Pallas:  
Aspicit doctos iuuenes Apollo:  
Danicas ornat Cypris atq; diues  
Iuno puellas.

Templa seruantur: decorantur arces:  
Vrbibus splendor datur & theatris:  
Munit & tantum decus, Angelorum  
Flammea turba.

Nunc & excellens Fridericus ille  
Danicus Rex, nomine qui Secundus  
Hoc viget, faustis auibus nitentem  
Construit urbem:

Quæ trahit nomen Friderico ab ipso  
Nobile, & nullo perituum in æuo,  
Ni sacra Musæ, nisi longa Phœbi  
Fama peribit.

D 4

Quid



Quid, quod his terris habitant libenter  
Teutones docti, celebresq; Galli,  
Et pij Scoti, populiq; nati  
Orbe remoto?

Si mali mores, mala mens & esset  
Danicæ genti: fugerent profecto  
Hinc bonarum tot, puto, nationum  
Candida corda,

Præter hæc, fructu vario niteſcunt  
Hortuli & ſylvæ, varioq; flore,  
Adferunt nobis quoq; grata noſtri  
Munera campi.

Fructum agri reddunt copioſum amœni:  
Dat fretum piſces & opes decentes  
Nauibus vectas, nec enim eſt tam abundans  
Thracius Hebrus.

Aëris virtus nimium probatur  
Vatibus doctis, quibus eſt ſuëtum  
Gratijs iunctas nitidis in auram  
Ducere Muſas.

Quid canam Martem genitum Tonantis?  
Quid patrem Martis rigidi Tonantem?  
Danicum Regem iuuat atq; gentem  
Ille vel ille.

Fluctibus quod ſi Dea cæca diris  
Surgat interdum populos retundens  
Danicos: ſummus Deus, en, repente  
Reprimit illam.

Nil deeſt noſtræ patriæ, nihilq;  
Denegat natura Deusq; cultæ

Dania



2130.  
Danica. verus mihi namq; viuet  
Testis Apollo,  
Testis & viuet triplici recurſu  
Quæ frequens molles agitat choreas  
Danici iuxta loca grata Nerei  
Balthica Thetys,  
Vndecim fibris reſonare docta,  
Et nouem vocum ſpacijs decora,  
Cede teſtudo, ô hominum & Deorum  
Dulce leuamen,  
Ter tribus Muſis benè iuncta Pallas  
Cum reuertetur, mihi tu ſonabis  
Carmen excelſum quod ament probentq;  
Secula multa.  
Tunc graues voces, medias, acutas,  
Temperent ſuprà digiti ſiniſtri:  
Et fugas formet volitans per imos  
Dextera neruos.

DE AMICIS SVIS INCO-  
gnitis. Ad D. Iob. Franciſcum Ri-  
pen: Iob. Georgius.

I Gnoti rogitant, qui ſit color aptus, amici,  
Ornari effigies quo queat illa mea:  
Quam bonus expreſſit, pictorum gloria, Lucas  
Leucoris vrbe nouus viſus & hoſpes eram:  
Quamq; pyro infectam ſolidæ, Creutzere, libellis  
Iunxiſti, patriæ quos mea Muſa dedit.  
Quod poſcunt animæ dulces, Francisce docebis:  
Namq; tibi formæ nota figura mea eſt:

D 5 Puni



Puniceo crines capitis cernuntur honore :  
Est & castaneis mollibus ille color.  
Prima mihi croceo crescit lanugo nitore  
Et tenero roseus vernat in ore decor.  
Pupula cæruleo præcingitur vtraq; circo :  
Pars oculorum alia est candida more niuis.  
Pallidula est facies tenuiq; rubedine sparsa :  
Pallidulum est collum, pallidulaq; manus.  
Atra tegunt corpus mihi vestimenta pusillum,  
Horum ego præcipue ductus amore feror.  
Illud ad exemplum nisi picta hæc viuat imago,  
Non potis est faciem ritè referre meam :  
Hæc teneant omnes hi, te Franciscæ monente,  
Effigiem cupiunt qui decorare meam.  
At saluere iube tales reuerenter amicos,  
Qui gaudent vultus noscere signa mei.  
Tuq; vale magni Phæbi generose sodalis,  
Excellens herbis, carminibusq; potens.

DE IMAGINIBVS IN COE-  
lo, Iohan : Georgius.

V Ranie, versu mihi dic cœlestia signa.  
Cognita nãq; tibi sacra sunt systemata cœli.  
Tu Iouis in solio claro vestigia figis.  
Tu rutuli calida spaciaris Apollinis æde.  
Te nitido cultu veneratur penniger Hermes.  
Te pia miratur Venus, & iucunda Diana,  
Et liquido quotquot versantur in æthere Diui.  
Sic ego : sic contra cœlestis Musa subinfert.  
Ad celebres cœli quæ stat polus Arcticus arces,  
Quaq;



2130.  
Quaę ruit Boreas qui nubila cæca repellit  
Intorto flexu geminas Draco diuidit Vrsas,  
Quarū Helice maior, minor at Cynosura vocatur.  
Hinc micat Arctophylax, Musæ dixere Booten,  
Quę celebrat Naso custodē Erymanthidos vrsæ.  
Hunc autem sequitur Boreæ diuina corona  
Grandis honor Regū quos tollit Aparctias atq;  
Circius & Boreas fulgenti semper honore.  
Herculis hīc quoq; stat generosi grandis imago,  
Poplite curuato reprimat qui colla Draconis.  
Hinc Lyra adest, pressit quondā quā Pleiade na-  
Quā quoq; pulsauit Vates Rhodopeius. inde (tus,  
Est niueus Cygnus Phæbo sacer, atq; potenti  
Danorum Regi: cuius gestatur in armis.  
Tunc Ophiucus adest torto serpente recinctus.  
Sidera post isthæc Aquila est, & sacra Tonanti,  
Cæsaribusq; pijs. tunc Telum surgit, & inde  
Delphin, quò placidè vectus Phæbæius Arion  
Per mare caruleum, tetigit sauißima fila  
Dulcisonæ Citharæ: qua motus rector aquarū  
Neptunus, rapidasq; regens pater Æolus auras,  
Æquoreaq; Deæ Vatem duxere per vndas  
Cantantem, & terræ saluum imposuere virenti.  
Proximus emergit stellatis Pegasus alis  
Bellerophontis equus, Vatisq; insigne Sabini,  
Quo duce Barbaries hoc nostro tempore victa  
Isthmiaco iuueni veluti prostrata Chimera. (est,  
Andromeda hīc oritur validis cōstricta catenis  
Quam genitor Cepheus, & mater Cassiopea  
Inquirat lacrymans: hæc nam speciosa, decensq;  
Nerei-



Nereidas quoniam forma superare studebat,  
Causa fuit pœnæ, quam dulcis filia ferre  
Debebat, nisi Gorgoneo sæuissimus ore  
Enseq; munitus subtractam à morte cruenta  
Qui socerum celso comitatur in æthere Perseus,  
Hanc sibi iunxisset, thalamiq; in honore locasset,  
Cum Perseò rigida capite exoriente Medusæ  
Andromedæ signum Deltoton visitur vnâ.  
Acer Erichthonius tandem se tollit in altum  
Hædos ostentans dextrâ, leuq; capellam  
Ex humero, quamuis diuersum sentiat alter,  
Nescio quis, cœli scrutator. libera sunt  
Per nos sensa homini: nobis quoq; libera sunt.  
Quo rapior? post hæc quæ dixi sidera, bis sex  
Zodiaco nitidis insurgunt signa figuris:  
Quæ sunt: trux Aries Phryxi, Taurusq; puellæ  
Nobile cui tribuit nomen pars tertia mundi,  
Atq; Helenæ fratres Castor Polluxq; gemelli,  
Nec nō retrogradus Cancer feruore coruscans,  
Herculeusq; Leo, patris & Marathonia Virgo  
Interitum lugens, & Libra insigne beatæ  
Iusticiæ, & diro truculentus Scorpheus ore  
Imò venenata cauda truculentior, atq;  
Arcitenens Chiron magni præceptor Achillis,  
Ægocerosq; nitens, & aquas qui fundit ab alto  
Iliacus iuuenis domini pincerna Tonantis,  
Æthereoq; freto pisces qui ritè mouentur.  
Turbine quâ rapido densatur aquaticus Auster  
Cetus & Eridanus, Lepus & nymbosus Orion,  
Et minor & maior Canis, & Tritonia puppis,  
Atq;



2130.  
Atq; Hydra, & Crater, Corvusq; atq; ara Deorū  
Et fera Centauro transfixa, Austriq; Corona,  
Et Notius piscis, cœlesti lumine splendent.  
Notaq; sunt toto fulgentia sydera cœlo,  
Saturnus gelidus, pergrato & Iuppiter ore,  
Et Mars terribilis, Sol & speciosus, & alma  
Stella nitens Veneris, Diuorū & nuncius Her-  
Lunaq; nō vna semper cernenda figura. (mes,  
Paruula sideribus sunt istis sidera iuncta,  
Quorum etiā nomen formamq; videre iuuabit.  
Quæ nitet in Zona, præ lucida stella, Bootæ  
Dicitur Arcturus, tibi Pegase sectio iuncta est  
Nescio cuius Equi. tūm Tauri fronte madētes  
Consistunt Hyades, sed dorso Pleiades insunt  
Eiusdem signi. Geminis quæ substat amicis  
Stella Propus fertur. Cancer Præsepe et Asellos  
Exhibet: in corde est sed regia stella, Leonis.  
Florida gestatur speciosa Virgine spica  
Virginis & dextrā decorat stella inclita cui dat  
Præfulgens nomē Vindemia: Phryx at ephēbus  
Vrnā habet in dextra, tūm pisceis vincula neclūt.  
Vincula iunguntur Nodo. quis sidera cuncta  
Nomine signārit? versu potiora notauī.

Hæc ait: inq; leueis subito se sustulit auras,  
Me verò ex isto studio retraxit Iacchus  
Et mea pampinea decorauit tempora vite.

DE AVLA FRIDERICHSBURGICA. Ioh. Georgius.

Qui Friderichsburgæ sedis sacra limina cernes,  
Quam nuper positam rex Fridericus habet:

Aspice



Aspicias Regis solium, procerumq; theatrum,  
Et Fidei sellam, Iusticiæq; thronum.  
Tum fontē aggreditur nitidū lucentibus undis,  
Quem teneris Musis dixeris esse sacrum.  
Aula minor Veneris, ostendit maior Amores  
Principibus media est, ecce dicata domus.  
Omnibus ex æquo generosus Bacchus adhæret,  
Cernitur & tota pinguis in arce Ceres.  
Fragrantes herbas hîc monstrat florida Chloris :  
Hîc triplices Charites munera grata vehunt.  
Rex pius hîc frondes nectit, floresq; decentes,  
Pierios Vates qui decorare solent.  
Hîc testudo sonat tuba, tibia, Musica quævis.  
Fortuna hîc vultum prodit amica suum.  
Mars validos enses, atq; instrumenta tuetur  
Bellica, quæ in reprobos fulmina dira vocat.  
Ambit at effossus diuinam Nereus arcē (munt.  
Leucothoëq; sacris conspicienda vadis.  
Hoc decus exornant agri, saltusq; ferarum,  
Piscibus & nimium stagna beata suis.  
Regalem quisquis sedem lustrare laboras :  
Rex Fridericus agat tempora læta : roga.

AD D. IOH. FRANCISCVM  
Ripensem, de generis sui propagine,  
Ioh. Georgius.

Docti, Iohannes, cultor Apollinis  
Qui corde læto Pieridas fons :  
Qui Gratias tecum decentes  
Ducis honorificam cateruam :

Tun' sci-



2130.  
 Tum scire nostri poscis originem?  
 Stirpisq; nostræ magnificentiam?  
 Hoc ut petas, candor benignus  
 Efficit & veneranda virtus.  
 Virtus, sodales qua veteres tuos  
 Amplecteris. Nam ceu tibi mens viget  
 Artis potens, sic est abundans  
 Cor pietatis & alti amoris.  
 Non iacto sortis, non generis decus  
 Vates pusillus, quem tenuem vehit  
 Fortuna non celsa renidens  
 Nobilitate, opibusue multis.  
 Me Musa dulcis, me pietas inuat,  
 Mibiq; curæ est Christus amabilis.  
 Hoc gloriator tantum nitore:  
 Non reliquas ego sector umbras.  
 Sed dum Lyæus, dum rosa, dum Ioci  
 Regnant, recludet Melpomene meum  
 Ortum, velut fidi parentes  
 Exposuere mihi, senesq;  
 In Cimbria, quæ Morsia nobilis  
 Tellus aquosis fluctibus hinc & hinc  
 Circundatur, vixit vir acri  
 Oreq;, menteq;, Christiernus:  
Iohanne natus qui patre floruit,  
 Et lege recta terruit improbos,  
 Iustosq; inuit. Christiernus  
 Hic Sadolinus erat vocatus.  
 Sancto vetustus qui proavus meus  
 Vitam peregit coniugio probe

Cum



Cum fœmina casta & pudica  
Nomine quæ Catharina dicta est.  
His filij tres, filiolæ & duæ;  
Nati : Iohannes, indè & Ericus, &  
Iuarius, Ingella, & Tyara :  
E quibus est mihi auus Iohannes.  
Blandè Mineruam qui rutilam colens  
Pectus decoris artibus imbuir,  
Vrbs Cimbriæ quæ stat peraltis  
Turribus astra premens Viberga.  
Ille è Marina Nicoleo sata  
Æuo virenti sustulit vnicum  
Gnatum, Georgium Iohannem.  
Quem benè patria nostra nouit.  
Hic & secutus connubij fidem  
Casti sacratam, floridulam sibi  
Iunxit puellam stirpe natam  
Ex Hegelundiaca, Marinam.  
Hac matre & illo progenitus patre  
Ætate fratres exupero meos.  
Verùm vicissim me statura  
Corporis hi superare possunt.  
Fratrum meorum nomina si rogas :  
Hæc sunt : Iacobus, Paulus, Erasmius.  
Tùm Christianus qui pusillus  
Cœlitibus datus est beatis.  
Tunc vnus, alto nomine qui patris  
Dictus, profunda morte Georgius  
Pressus, Theodorusq; Primus  
Stelliferas petièrè sedes.

Postre-

Po

M

Q

G

F

S

I

P

P



2130.  
Postremus illo natus in ordine  
Vēnit Lutherus, præter & hos, duas  
Nobis sorores addiderunt  
Dorotheam & Mariam parentes.  
Matrem verendam cūm rapuit Deus,  
Patri dabatur virgo Selandica,  
Cui nomen est præstans Elissa,  
Moribus & pietate clara.  
Quæ patre prægnans protulit de meo  
Laurentium, qui paruulus occidit.  
Hæc & Theodorum secundum  
Ambrosium & peperit decentem.  
Gnatas & illa hæc candidulas dedit:  
Matris, Marinam, nomine de meæ  
Vnam vocatam gratioso:  
Quam Sophia est comitata, & Anna.  
Fœcunda patri tam fuit en meo  
Virtus Tonantis munere credita:  
Quod scire si gaudes, Iohannes,  
Gaudeo me tetigisse plectrum.  
Sed ô parumper, Melpomene, cane,  
Testudo dulces tuq, modos sona,  
Vt quàm mihi Cypris propinqua  
Stet, meus aspiciat Poëta.  
Vt natus adsum, sic ego filios  
Et filias ex coniuge libera  
Quæ Volphiorum gente creta, & st  
Progenere moderante Christo.  
Hac nata nobis Barbara prodijt  
Nec non Marina: has mors tamen abstulit:  
E Ab du.



Ab dura Mors, Mors quæ puellas,  
Quæ rapit & iuuenes, senesq.  
Donatus indè 'st luce Theophilus,  
Quem consecuta 'st auspicio Dei  
Viui pios qui mitis ornat,  
Dorothea. hinc satus es, Georgi.  
Pluresq, Christus si volet addere,  
Datosq, iustus demere si volet,  
Eius voluntatem probato.  
Quod facit, hoc facit ille restè.  
Diuûm statuto quis malus obstrepet  
Feliciter? quis cœlica numina  
Inflectet in peius? rogatus  
Vota Deus iuuat at piorum.  
Quare, ô Deus, qui sidera dirigis,  
Qui lata terræ regna manu tenes,  
Qui Rex fretum vastum coherces,  
Pectora nostra, precor, gubernes.  
At, ô Iohannes, nobilium decus  
Vatum, lucerna ô Pæoniæ gregis,  
Quæso, tui stirpem Poëtæ  
Dilige, & ingenium, fidemq.  
Et dùm vigentis sanguinis es potens  
Gaude decenter cum Maria tua:  
Et gratias Christo repende  
Pectore, voce, lyra, meroq.

De nu



2130.  
DE NVPTIIS D. IOH. FRAN-  
cisci & Mariæ F. Laurentij Bagij.  
Ioh. Georgius.

PÆonias cū te nitidum, vir doctē, per artes  
Parnassi faceret Calliopea ducem:  
Ornaretq; tuos Daphnæa fronde capillos  
Qui gerit auratam mitis Apollo Chelyn:  
Idalio Cypris ridens è vertice, dixit:  
Hunc amo, quem facies, parue cupido, meū.  
Hæc, Venus. Ille suū procumbens curuus in arcū  
Applicuit neruo splendida tela sacro.  
Nec mora, ventosis dilapsus ab aëre pennis  
Transfixit iaculo pectora bina leui.  
Hinc tu Iohannes, & tu Maria inclyta sponsa,  
Optato fertis vulnera grata loco,  
Militiāq; Deæ feruenti mente sequentes  
Legitimo facitis prælia blanda modo.  
Pergite, nam pugna vestram Deus ipse iuuabit:  
Et validi vestrum multiplicare genus.

DE AVLA HESLAGRI-  
ensi. Ioh. Georgius.

FRisiacæ genti sedes est illa sacrata  
Quæ trahit à Corili nobile nomen agro.  
Magnificum quisquis gaudes lustrare theatrū  
Aulæ huius Domino multa precare bona.  
Vnum etiam moneo: qui vis intrare, superbū  
Pone animum. prauū nil fouet illa domus.  
Hic habitat Pietas, Charitesq;, Iocusq;, Deusq;  
Tot bona Iohannes Frisius, ecce colit.

E 2

In



# IN REGIAM DANORVM

*navem, Fortunæ appellatione nobilem.*

*Ioh. Georgius.*

*Præneſte et Rhamnus fortunã habuere volucrẽ*

*Fortunam nantem Balthica Thetis habet.*

*Si retinere queas fortunam, Dania, ſtantiem :*

*Dania, Romano non minor Imperio es.*

*Molle precare tuo tempus, pia Dania, Regi*

*Auſpicio cuius Pax tibi leta viget.*

*Qui Divã, volucrẽ, nantẽ, ſtantiẽmve gubernas,*

*Nos rege præſidio, maxime Chriſte, tuo.*

## VIRTUTES PII REGIS, EX

*Hemmingio. Ioh. Georgius, Regibus dd.*

**R***egem quæ faciunt beatiorem*

*Hæc tu noueris eſſe, Rex benigne :*

*Chriſtum pectore & ore conſiteri :*

*Leta mente domum Dei videre :*

*Verbis, ac opibus bonos iuuare :*

*Et frenis cohibere contumaces :*

*Quod iuſtum eſt ſapienter approbare :*

*Iniuſtum fugere in Dei timore :*

*Æquis Legibus adiuuare regnum :*

*Lucrum ſpernere, ceu malum venenum.*

*Regem quæ faciunt beatiorem,*

*Hæc tu noueris eſſe, Rex benigne.*

## AD DEVM PRO SAPI

*entia. Iohan. Georgius.*

**C***oeleſtis Pater ac omnipotens Deus,*

*Dulci cum Genito, Flamme cum ſacro,*

*Qui*



Qui viuis venerandus  
 Rex trina sub imagine.  
 Mitis fideream da sapientiam  
 Et prudentia fac pectus adimpleat :  
 Da mentem ingeniosam  
 Tangentis Clariam chelyn.  
 Sic crebrò celebrans te, & patriam meam,  
 Et Regem, atq; Duces, ac homines bonos,  
 Et Nymphas, & amicos,  
 Edam carmen amabile.  
 Discedet procul hinc inuidus æmulus  
 Qui rixas cumulat pectore reprobo.  
 Verùm tu pia Musa  
 Præclarum resona melos.  
 Felix qui potuit ludere molliter  
 Mixtus Virginibus dulcibus, & Deo  
 Neglectis inimicis  
 Quos vexat rabidus furor.

AD S. TRIADEM  
 Ioh. Georgius.

O Pater lati dominator orbis  
 Qui tuo nutu regis astra celsa  
 Ætheris puri, placidè fidelem  
 Protege cætum.  
 Christe cælestis bone Gnate Patris,  
 Horridam mortem nece qui fugasti  
 Propria, nobis mediator, oro,  
 Sedulus esto.

E 3

Spiri-



Spiritus summi Patris atq; gnati,  
Luce qui sancta pia corda ducis,  
Cordibus nostris dato gratiosi  
Lumen amoris.

AD IOH. SAS CER IDE M  
Vermenhusanum, Theologum & Poëtam,  
pro sibi exhibito carmine.  
Iohan : Georgius.

C Armen, mihi quod, Sascerides potens  
Vates, dedisti per venerabilem  
Danum, Petrum Paruum Poëtam,  
Rhetorem & eximium, legebam.  
Quo lecto, amœnum personuit, nemus  
Faunusq; solers, & Dryades Deæ,  
Echoq; quæ mira profundas  
Voce sonare facit cauernas.

Feliciter tu, Sascerides, venis  
In Daniam : nam te duce (gaudeo,  
Gaudentq; campi & sylua mecum)  
Orphica plectra vigere cerno.

Dani tuum si non videant decus,  
Et laudibus si non faueant tuis :  
Sunt duriores quàm fuère  
Quæ fera saxa mouebat Orpheus.

Nam veritatem dicere si licet,  
Vincis Poëtam Threicium tuo  
Cantu. Is feros mores poliuit :  
Tu releuas animas iacentes.

Solum ille sensus dicitur acrium  
Mouisse plectro docto animalium

Nec



2130.  
Nec non vagos pressisse fluctus,  
Saxa q̃ grandia concitasse.  
En tu parentis fiderei domos  
Ornans decenter conspicua chely,  
Flectis Deum, flectis beata  
Numina, flectis & astra summa.  
Compscis Orcum terribilem modis  
Instructus altis: horribilem fugas,  
Qui bella sœuit Christianis  
Sæua parare bonis, Draconem.  
Præ te filebit Pindarus inclytus,  
Nervos reponet doctus Horatius,  
Is Musulis Graijs decorus,  
Hic Latijs nitidus Camænis.  
Quantum potenti vilis homo Deo:  
Tantum Poëtæ, qui celebrat Deum,  
Cedet caducis & profanis  
Inuigilans studijs Poëta.

LAVS P. PARVI ROSÆ  
fontani. Iob. Georgius.

Cum Daniæ clarissimus  
Rex Christianus Tertius  
Tuum Poëma cerneret,  
O Parue, Vates maxime:  
Sedens amœnam lauream  
Depinxit ad frontem tuæ  
Musæ: supraq̃ lauream  
Fixit coronam Regiam.

E 4

Pictua



*Pictura quid talis sibi  
Vult? quid bonus Rex hic docet  
Signis? minores, credite  
Pictura rebus conuenit.  
Parui Camœna lauream  
Meretur: & Regis decus  
Est Vatribus præstantibus  
Adferre dona Regia.  
I nunc, sacros Vates cole  
Quos Rex colit doctissimus:  
Mirare Musas candidas  
Regem docent quæ pingere.*

*AD AFFINEM SVVM M.  
Georgium Erasmium de Theol. &  
Poësi. Iob. Georgius.*

<i>D</i> oce Georgi, Quo mihi nemo Dulcior vnquam Viuet in orbe, Dic mihi quæso, Nam bona nosti Plurima, quare Iura nitescunt Et Medicina: Sed pia magni Dogmata Christi, Atq; Poësis	<i>Inclyta Vatum Spreta videntur? Hæc mihi pande: Sic pia Musa Te celebrabit Donec oberret Candida cœli Templa corusci Qui sua nobis Carmina dictat Flauus Apollo.</i>
--	--

*In Vi-*



2130.  
**IN VIGESIMVM DIEM**

*Martij. Ioh. Georgius.*

**B**is decima, ecce, redit lux quæ de mense coru-  
Belligeri Martis nomina clara trahit. (sco  
Hæc est illa dies qua natus sidere læto  
Lotus & æternæ fonte salutis eram.

Hæc est illa dies qua docta Melanthonis ora  
Primum contemplans dogmata sana tuli.

Hæc est illa dies mihi qua mea cognita coniux  
Exhibuit mitis gaudia prima mihi.

Illa dies gemmis, illa & decorabitur auro,  
Illaq; votiuo thure notata fluet.

M. Illa dies cantu leuibusq; agitanda choræis :  
Illa agitanda iocis, illa agitanda mero.

Illa dies multis alijs formosior, inter  
Debet Ephemeridas nomen habere meas.

Vade dies felix : & fausta reuersa quotannis  
Fac mea placato tempora læta Deo.

**AD ANTONIVM BALDERS.**

lebiū Cher : pro Scriptis ab eo sibi  
missis. Ioh. Georgius.

**C**um tua legissem, venerãde Poëta Cherusce,  
Scripta, domus tota est lucida facta mea.  
Et qui solus eram, qui solus plestra mouebam  
Ante oculos vidi numina multa meos.

A dextris quidam testudine clarus & auro  
Astetit : ô pulchra quàm fuit ille coma.

Huius se lateri iunxit puer, ecce, pusillus  
Ostendens tenera flammea tela manu.



Hanc comitata Dea est roseo spectabilis oro  
Qualem non ortus, nec, puto, vesper habet.  
Opposita nudas vidi regione puellas  
In triplici blandè membra mouere choro.  
Hac quoq; parte stetit speciosa fronte venustus,  
Delectans vario munere corda, puer.  
Hic stetit & nitido cultu decorata virago  
Hastam quæ valida est visa tenere manu.  
In medio cecinere nouè bona carmina Nymphæ  
Qualia in ætherea credo sonare domo.  
Numina si noui, prius & mihi visa, beata:  
Nec genio fallor iudicioq; meo:  
Phœbus, Amor, Cypris, Charites, Iocus atq; Mi-  
Dulciaq; Aonijs numina fontis erant. (nerua  
Sæpius vt Diui cernantur in ædibus hisce,  
Sæpius, ô Vates, fac tua scripta legam.

DE IOH. SAS CERIDE.

Ioh. Georgius.

Non Pyladen, Lædæq; genus, Siculosq; & Atri-  
Cognosco: nota est Sasceridæa fides. (das  
DE LAGONE BROCHE N  
husio. Ioh. Georgius.

L. Ago nobilium decus virorum  
Et nostræ patriæ vigor perennis  
Danus Teutonium videt disertus,  
Germanus properat videre Gallos,  
Gallus doctiloquos petit Latinos.  
Mox Danos repetit benigniores  
Danus, Tauto, Latinus, atq; Gallus.

Hic



2130.  
Hic ergò mihi quadruplex videtur  
Quando quadruplici sono nitescit.  
Quò non mens sacra pèruenit virorum?

AD SOCIOS SECVM CON-  
uiuantes ruri in festo Dyonisi.  
Ioh. Georgius.

Nunc ô sodales viuite viuite  
Et læta Bacchi munera sumite:  
Sic vos canam Danus Poëta  
Aonijs fidibus frequenter.  
Vos & beabit Melpomene decens,  
Famamq; vestram magnificam vebet  
Phæbus pater Vatum bonorum,  
Pallas & optima amica Musis.  
Vos grata saltem ducite pocula  
O grata Nymphis pocula ducite:  
Sed plena vino dulciori  
Pocula ducite vos sodales.  
En vina mentem suppeditant bonam,  
Vates disertos vinaq; subleuant  
Ad regna Phæbi gratiosi  
Castraq; splendidulæ Minervæ.  
Vinum Poëtis Pegasus est pijs  
Quo mens eorum tollitur in iugum  
Sublime Parnassi nitentis  
Qui Bromio sacer atq; Phæbo est.  
Quapropter oro viuite viuite  
Et verba miti pectore promite.

Sed



Sed dum fluit sermo Latinus  
Guttura vestra lauate vino.  
Dum iungo versus Amonia chely,  
Se Bacchus acer proripit in meum  
Pectus Dione iunctus alma  
Iunctus & Idalio puello.  
Et sentio nunc pectore sub meo  
Flammæ calores æthereæ sacros:  
Hic spiritus cælo profundo  
Adueniens rapit ima corda,  
Vatum bonorum quæ pietas placet,  
Et sancta virtus, & Charites probæ,  
Et Christus æternus sacerdos  
Quo duce cuncta creata fulgent.  
Lætor sodales: læticiam meam  
Testor sonantis plectra mouens lyra.  
O vos mei fidi sodales:  
Læticiam hanc precor approbate.  
Vnguenta vobis porrigo suauia,  
Vobis coronas floridulas veho,  
Et quicquid hic hortus viroris  
Continet, hoc ego linquo vobis.  
Tuq; ô Mineræ, Sacerides, decus,  
Qui doctus vrges Threicios modos,  
Absens licet degas, bibentes  
Nos tua nomina personemus.  
Nobis vicissim fac faueas potens  
Vates Dei qui munere maximi  
Fulges, diemq; istum probato  
Quem vocitant Dionysianum.

Censura



2130.  
**CENSURA PHILIPPI ME-**

lanthonis, de C. Erasmo Michaëlio La-  
to. D. Iohan. Georgius.

**L** Eucorides quandò tibi, Doctor Erasme Ca-  
Albidus ad ripā dona dedere sua: (mænæ  
Tunc tibi dicebat (nā sum memor ipse) Melan-  
Aspiciens dextræ signa notata tuæ. (lanthon  
Clarum & honorificum iactatur nomē Erasmi:  
Quòd si fata volent alter Erasmus eris.  
Acria quum valeant sapientis verba Philippi,  
Oraculum noli spernere semidei.

**AD DEVM PRO DANORVM**

Illustrissimo Rege & Domino

D. Friderico II.

**O** Summe rerum conditor,  
Regumq; Rex ter maxime,  
Sceptrum tenens qui sidera,  
Terram, fretum, solus regis:  
Tuam benignus respice,  
Ecclesiam, quam filius  
Dum victima est factus, suo  
Christus redemit sanguine,  
Regisq; mentem Danici  
Tuo excitato lumine,  
Vt te suum colat Deum  
Qui laus es ipsis Regibus.  
Fauore sic motus tui  
Rex noster in cœtu sacro  
Pacis decus dulcissimum  
Iusto sequetur pectore.

Sic

nsura



*Sic Angeli tui canent  
Laudes tibi suauissimas :  
Pangentq; Musæ carmina  
Non inuide doctissima.*

*Eia tuam mentem bone  
Promptissimam cerno Deus :  
Cerno probum Regis pij  
Pectus tibi iunctissimum.  
Et cerno fortes Angelos  
Deo iubente maximo  
A Rege, regno, subditis  
Clades graues depellere.*

*Deo opt: max: dedicabat Ioh. Geor-  
gius Sadolinus Vibergius.*

*AD AMICOS DE HISCE SV-  
is lusibus. Ioh. Georgius.*

*SCire laboratis, quid iungam sacra profanis ?  
Iunctus sæpè malis Christus & ipse fuit.  
Sæpè solent Reges inter residere ministros :  
Sæpè inter spinas sunt loca grata rosis. (fana,  
Nec mihi mens vna est: sacra nūc, nūc quero pro-  
Dulcia nunc posco nunc ego salsa probo.  
Adde quod Aonijs Musis sunt omnia grata  
Quæ non à studijs sunt aliena bonis.*

*IN NVPTIIS D. IVSTINI  
Pauli & Margaritæ Moldenhouerae.  
Ioh. Georgius.*

*A Vtor Deus connubij  
Vult casta necti fœdera: Con*



2130.  
Condemnat omnes impios  
Fœdum quibus placet scelus.  
Ergò hæreat sponsæ probæ  
Sponsus perenni vinculo:  
Et sponsa firmis legibus  
Adiuncta sit sponso pio.  
Circa torum pax aurea  
Vestrum suäuiter volet:  
Et vestra iungat pectora  
Summi Dei clementia:  
Ades Venus castissima:  
Venite dulces Gratia:  
Hic siste Musarum cohors:  
Hymen vige suauissime.  
Iustinus en Sponsus nouus,  
Mentis decorus lumine,  
Virtutibusq; fulgidus,  
Cupidini iam militat.  
Iam militat cupidini  
Pugnando fortiter quidem,  
Sed non cruentè, Martijs  
Mos est velut sodalibus.  
Quid Margarita nunc fugis  
Incepta bella? quid times,  
Quos tot puellæ non timent,  
Arcus sacri Cupidinis?  
Hic sermo blandus perstrepat,  
Figuntur hic & oscula:  
Quàm grata, quàmq; suauia  
Hæc bella, & hæc sunt prælia.

Sed



Sed casta quæ Lucretia,  
 Coniuxq; Vlyſſis inclÿta,  
 Non abnegantibus piam  
 Fidem maritis, poſcerent.  
 Florete coniuges boni  
 In prælio ſanctiſſimo.  
 Pugnate tam virtutibus  
 Quam moribus dulciſſimis.  
 Natura cum fructum dabit  
 Vobis benigna fertilem  
 Cultum docete liberos  
 Præſtare ſublimi Deo.  
 Nobis Iacche paruule  
 Offer repletas amphoras,  
 Plenoq; cornu ô copia  
 Nouos beato coniuges.  
 Tuq; vnitatis Trinitas,  
 Et Trinitatis vnitas,  
 Rex vnus, atq; vnus Deus  
 Cætum hunc, precor, ne deſere.  
 Sic membra qui ſumus tuæ  
 Eccleſiæ, ô potens Deus,  
 Ornabimus te laudibus  
 Et nunc, & omni tempore.

AD IOH. MONASTERIEN.  
 ſem, vt huic libro ſe inferi permittat.  
 Iohan : Georgius.

Iohannes Latia lucerna linguæ,  
 Sermonisq; decus perenne Graij,

Cui

Cui p  
 Euter  
 Qui fl  
 Et qu  
 Cuius  
 Doct  
 Præſt  
 Cerne  
 Et Pl  
 Qui C  
 Tu qu  
 Huc  
 Exor  
 Nec t  
 Vt co  
 Solis  
 Iohan  
 Serm

R

L

A

Hæc  
 Dem  
 Men



2130.  
Cui portat veneranda dona Clio  
Euterpeq; Eratoq; cum Thalia :  
Qui flores Polyhymnia canente,  
Et quem Terpsichore facit coruscum :  
Cuius sollicitat manum diserta  
Doctam Melpomene, sacrumq; pectus  
Præstans Calliope : quiescit in quo  
Cernens Uranie polum nitentem,  
Et Phœbus, Charitesq; & alma Pallas :  
Qui Christo facis omnia approbante  
Tu quæcunq; facis pius probusq; :  
Huc huc ô propera, meum vt libellum  
Exornes placidissimo fauore :  
Nec te subtrahere, quæso, ab hac cohorte.  
Vt cælum decorat, nitor beati  
Solis : sic decoras meum libellum  
Iohannes Latine lucerna linguæ  
Sermonisq; decus perenne Gray.

DE ARNOLDO BVRE-

nio. Ioh. Georgius.

R. Ostochij quis non Ciceronem viuere dicat  
Arnoldi donec lingua diserta sonat ?

LAVDES ELOQVENTIÆ.

Ioh. Georgius.

N. A Deste natæ fulgidi Musæ Iouis :  
Laudes sacre dicemus Eloquentiæ  
Hæc diua de celso polo mortalibus  
Demissa per munus diserti Numinis  
Menti salubreis languidæ præbet cibos :

F

Pellit

Cui



Pellit tenebras, & suis cultoribus  
Nomen bonum decusq; candidum vehit.  
Mores docet bonos artesq; floridas.  
Summi probam monstrat Dei clementiam;  
Scholas gubernat, vrbibus laudem parat,  
Pagos tuetur atq; sylvas atq; agros.  
Ornat viros, ornat virum potentiam.  
Extollit & Nymphas suis honoribus.  
Exponit astrorum vigorem, & fertilis  
Telluris inclytum decus: sæui maris  
Pingit tumorem: monstrat horridum grauis  
Flammæ furorem: ostendit asperas minas  
Ventorum, et omnem vim notat rerum omnium.  
Obscura quæ fuere, claro lumine  
Illustrat & depellit acre tædium.  
Quicquid cupit, tollit coruscum ad æthera:  
Quicquid fugit, nigra ad repellit Tartara.  
Addit vigorem rebus optimum omnibus  
Omni nitescent parte crebris floribus.  
Oblectat omnes pleniore gratia.  
Quam gratus hortulus Maronis optimi.  
Causamq; naturamq; rerum hæc explicat,  
Rebusq; dat colorem inæstimabilem.  
Et auribus secum rapit turbam rudem:  
Et docta quouis mandat ire pectora.  
Blandos Amores excitat: rursus graueis  
Iras, suam prodens potentiam, parit.  
Nunc gaudio afficit sua dulcedine:  
Nunc lacrymas altas resoluit vi sua.  
Adfert nitorem iuncta magnis Regibus,

Adfert

Ad  
Tri  
Et o  
In c  
In C  
Mon  
In m  
Pro  
Qui  
Qui  
Cui  
A  
Hu  
Sal  
Do  
Quo  
Illu  
Pre  
Pur  
Sic  
OL  
  
L  
La  
La  
La  
Da



2130.  
Adfert honorem culta sanis ciuibus:  
Tribuit suis laudes alumni plurimas  
Et omnibus locis, & omni tempore.  
In ædibus Regum parit concordiam:  
In Christianorum pio cœtu Deum  
Monstrat: forum commendat almīs legibus;  
In militum castris pusillos excitat.  
Prodest domi, prodest foris. Verum Dea,  
Quis te Poëtarum satis laudauerit?  
Qui te colit, cuius per ora tu volas,  
Cui gratiam præbes tuam, quem diligis,  
A quo tuum seruatur eminent decus,  
Hunc comparauerim Deo: vel proximum  
Saltem Deo celsissimo contenderim.  
Donum Dei es: nec cui libet data es, sed his  
Quorum Deus mentes micanti lumine  
Illustrat: & quibus placent artes bonæ  
Præcepta quæ tradunt loquendi, non modò  
Purè, sed & rectè & sonis fluentibus.  
Sic nata, Dij boni, boni quantum vehis  
O Eloquentia, omnibus mortalibus.

AD MARIAM D. IOH.  
Francisci. Ioh. Georgius.

Laurus Castalio dicata Phœbo:  
Laurus Delphica somnium reuelans:  
Laurus fulmina sæua ritè pellens:  
Laurus Gorgoneum fugans venenum:  
Laurus pacis amœna nuntiatrix  
Dat nomen, Maria ò, tuo parenti,

Adfert

F 2

Exor



Exornatq; tui caput mariti.  
Laurum propterea tu Apollinarem  
Cura, quo studio potes, fouere,  
Vt semper maneat virens in horto:  
Horto quem manibus tuis decoris  
Ornasti arboribusq; floribusq;.

AD EXIMIVM POETAM ET  
Medicum Doctorem Iohannem Fran-  
ciscum. Ioh. Georgius.

O Mi Iohannes lux medici chori  
Vatumq; fulgor: floribus vt potens,  
Sic cantibus doctis renidens,  
Qui Venere ingeniosa abundas:  
Per te mihi cum clara Poëmata  
Flacci requiro mittier illius  
Quem Phœbus & sacrae Camœnæ  
Suspiciunt citharæ parentem:  
Librum tuum quid das mihi proprium?  
Æs & remittis quod tibi miseram  
Pro libro emendo? ô caritatem  
Carminibus decorandam amœnis.  
Quamuis Poëtam diligo Horatium  
Munus benignum gratum & amabile  
Illud tuum mi frater & mi  
Care Deo ac homini sodalis:  
Donum tamen tu gratius hoc puta,  
Inscripta primæ nomina paginæ  
Quod sint, sodales quos tibi olim  
Conciliauit amica Pallas.

Hoc



2130.  
Hoc nam Iohannes emicat in libro  
Brochtorpianæ laus & honor domus:  
Harbordus haud pompa minori  
De Baria nitet altus aula.

ET  
Vilhelmus huic & mistus adest gregi  
Qui Schenchiorum progenie satus  
Laus magna Staufenburgienſis  
Dicitur, & noua fama, ſedis.

Forſterus indè eſt hac ſerie nitens  
Cultor canentis fidus Apollinis,  
Et Otto Volmerchianæ.

ms,  
Gentis honor, decus, atq; lumen.

Matthæus & ſe iungit amabili  
Fratrum cateruæ, gloria qui micat  
Præclara Reitenpauriorum  
Miles & Aonidum coruſcus.

Freybergiana tùm, Ioachime, ſtas  
Et gente præſtans, Pieridum choro  
Et dignus & dignus benignis  
Inſerier ſocijs Dÿs q̃.

Findeſiorum Gallus originem  
De ſtirpe ducens huic quoq; ſtat libro  
Inſcriptus, inſcribi ſacro qui  
Caſtalidum meruit libello.

Stotzingiano ſemine nobili  
Offert & altum ſe benedictus, &  
Erneſtus è Remchnigienſi  
Sanguine prænitido creatus.

Fælicianus tùm nitet hîc Baro  
Herberſteinus: tùm Daniel decus

Hoc

F 3

Salfel-



*Salfeldicæ gentis vigescit,  
Tum quoq, Rotta Sebastianus.  
Hæc num peribunt nomina dulcium  
Nec non bonorum grata sodalium  
Quos tu tuo libro notatos  
Vis etiam mihi, amice, notos?  
Per me perirent si pia nomina,  
Indignus essem muneribus tuis:  
Indignus & quem Musa dulcis  
Fontibus Aonijs foueret.  
Mens est Poëtis vt celebrent Deum,  
Infusa cultis: nomina & vt canant  
Præclara amicorum piorum:  
Vtq, Ducum resonent triumphos.  
Felix Poëtis qui placet Entheis:  
Hic nam perenni nomine tollitur,  
Attollitur ductore Phæbo  
Regna per ætherij Tonantis.  
Cum flore tellus, sideribus polus,  
Vndis carebit cum pelagus suis:  
Natura tum vertetur, at non  
Carmina sunt peritura Vatum.  
Nam ceu vigescet mens hominis potens,  
Nec tunc peribit machina cum cadet  
Mundi: perennis sic manebit  
Mentis opus, veneranda Musa.  
Si Vatribus tu me annumeres pijs  
Vatesq, præstans & Medicus bonus:  
Quos edo libros, & sodales  
Quos cano non periment tenebræ.*

*Tantum*



2130.  
Tantum quiescant terribiles minae  
Martis furentis, pax regat & Duces.  
Pacem colunt mites Camænae,  
Pacem adamat speciosa virtus.

AD CLARISS: THEOLOGIAE  
Doctorem D. Nicolaum Hemmingium Da-  
num: virum bonum & sapientem: Acade-  
miæ Hafniensis gubernatorem Pri-  
marium: Præceptorem suum.  
Ioh. Georgius.

CHRISTUM nitentem muneribus suis  
Hemmingi, amico pectore qui geris:  
Qui Gratijs fulgens benignis  
Ore sonas triplici Tonantem:  
Scientias qui mente volubili  
Comprendis altas, quas hominum labor  
Insignis inquisiuit olim,  
Tempore vel reliquo requireret:  
Te Phæbus acer Pallas & aurea  
Fecere clarum Pieridum ducem:  
Te laurea ornauit perenni  
Flore vigens celebri Thalia.  
In te Philippi celsa Melanthonis  
Se transtulit mens & vigor igneus,  
Et quæ viro tanto fuere  
Numina, sunt tibi consecrata.  
Tu Paulus alter siderea tuba  
Instructus, & tu lumine cælico

F 4

Præ-



214  
Præclarus ostendis decenter  
Dogmata pura Dei supremi.  
Id scripta produnt tam prius edita,  
Quam nunc recenter, te duce, condita:  
Quæ seduli voluent nepotes  
Candida dum Pietas manebit.  
Quæ olim parasti, scripta tua an canam  
Nouos labores numme recenseam?  
En, quod potest vendi vel vltro  
Indiget haud hedera Falernum.  
Clarè micanti quis radios dabit  
Ioui coruscus? Nerea Balthicum  
Quis pluribus ditabit vndis?  
Quisue rosis onerabit Hyblam?  
Hyblam ferentem tot teneras rosas  
Quot spargit ardens Idalio Venus  
E monte flores.: atq; pascunt  
Quot volucres nemorosa Tempe.  
Et te nitescens progenies Deum  
Idem & bonorum dulce decus vir  
Quis personabit? quisue libros  
Enumerare tuos studebit?  
Saltem rependo iam tibi gratias,  
Diui Iacobi quod mibi Epistolam  
Dono dedisti clariorem  
Sole, tuo auspicio notatam:  
Opus quod ornat doctaq; & utilis  
Tractatio, qua tu rationibus  
Sanis modum rectum recludis  
Quo renouatio fit Piorum.

O perge



2130.  
 O perge, perge ô Doctor amabilis  
 Hemmingi, amœnis muneribus pios  
 Christi ministros adiuuare,  
 Et decorare domum Iehouæ.  
 Sic Christianæ membra decentia  
 Ecclesiæ te perpetuo vehent  
 Cantu: libenter teq; summis  
 Laudibus alta per astra tollent.  
 Et, si (quod opto) qui regit omnia  
 Nostris triumphum Principibus Deus  
 Lætum dabit, diros & hostes  
 Impediet validis catenis:  
 Nec me meosq; hic bellicus impetus  
 Prorsus retundet, qui violentiam  
 Nobis minatur (quæ pericla  
 Hostibus eueniant malignis)  
 Ego' ipse nomen sæpè tuum Chely  
 Cantabo blanda Pegasidum choro  
 Grato receptus, siue cultas  
 Inter Hamadryadas recumbens.  
 Vnaq; tecum munificum Deum  
 Laudabo, Reges atq; canam probos,  
 Nec non fidales ac amicos  
 Aonijs fidibus sonabo.  
 Tunc eminebit non Elegeia  
 Tantùm, querelis apta sequacibus:  
 Verùm & Deæ insurgent iocosæ  
 Multifonis modulis dicatæ.  
 Testudo metro sæpè Glyconio,  
 Sæpè audietur carmine Sapphico,



2  
Frequenter & versu vigebit  
Alcaico Pherecratioq.  
Et Musa tollet se reliquis modis,  
Legemq, sumet quam furor Entheus  
Ingesserit summusq, Rector  
Ingenij genijq, Christus.  
Laus vlla tali nomine si mihi  
Debitur: laus & tibi maxima  
Reddenda erit. Nam mi pusillo  
Tu Clariam citharam dedisti.  
Tu me beato Thespiadum gregi  
Fecisti amicum sat venerabilem:  
Sic artibus doctis Achillem  
Phillyrides bonus erudiuit.  
Hoc sera noscat posteritas volo,  
Voloq, cantet te Latijs sonis  
O Doctor Hemmingi virorum  
Gloria, gloria & o Deorum.

AD IOH. SASCERIDEM  
Vermenhusanum, Theologum & Poë-  
tam. Ioh. Georgius.

Haphniam, quæ stat preciosa Phœbi  
Aula fulgentis meus ibit Hermes  
(Civium causas aget ille) vestris  
Missus ab oris:  
Qui tuis scriptis onerariæ vult  
Nuncius certus datus ad sodales  
Quos tibi iunxit Ioue nata solo  
Dædala Diva.

Tun tuo



2130.  
Tum' tuo ergò Sasceridi Poëta  
Scribis? an Vates benè notus illi  
Per tuos lusus modò conticescis  
Iane Georgi?

Musa sic. Verbis ego mox locutus  
Hisce, quid, dixi, venerando amico  
Nunc boni scribam? lepidum requirit  
Ocia carmen.

Publicis rebus nimis occupatus  
Langueo tandem: nec enim vllus extat  
Qui mihi iniunctas potis est laboris  
Sumere partes.

Solus hunc cogor lapidem mouere  
Pro pijs Christi Domini ministris,  
Gente & hac nostra: neq, enim Poëtis  
Tempora parcunt

Tempora insano malè fæta Marte:  
Marte, quem feruens peperit Megæra  
(Turpe) Auernali Stygiam ad paludem  
Rapta Tyranno.

Quid? quòd & victum dare cogor vnus  
Plurimis iam militibus proteruis,  
Qui nihil Vates, nihil ipsa curant  
Carmina Vatum.

Tu vices ergò gere, virgo, nostras  
Et virum doctum, placidè saluta.  
Nam valet si Sascerides, vales ô  
Florida Musa.

Dixi. & en Diua, haud mora, me relicto  
Te salutatam petijt libenter:

Quana



Quam precor miti excipias fauore,  
Digne Poëta.

Siq̃ nos fido refoues amore  
Vota supremo facito parenti  
Vt sacris pacem tribuat Camænis  
Blandaq̃ secla :

Reddat & mites animos eorum  
Qui diu nobis reprobi fuere :  
Et trahat nos vt faueamus illis  
Fœdere facto.

Aut (minus si nos adamare tentent  
Dediti sæuo studio Gradiui,  
Danicæ & gentis sitiens cruorem  
Miles acerbus )

Dirigat nostri pia corda Regis  
Ne ruat mæstus, sed vt excitatus  
Sorte iucunda referat repulso  
Hoste triumphum.

Mars licet toruam faciem rebellis  
Monstrat, & nobis rabidus minatur :  
Victor euadet tamen ille quem vult  
Christus amare.

Vota per Vatum Deus incitatur  
Vt inuet Reges famulosq̃ Regum :  
Vota per Vatum ruit & malignos  
Vltor in hostes.

Quare age, ô Vates, quod oportet vrge  
Et lyræ sanctæ pia iunge verba.  
Fleßitur cælum fidibus canoris,  
Fleßitur Orcus.

Ad



2130.  
AD D. PAVLVM GEORGI-

um, fratrem: cū illi desponderetur proba  
virgo Marina, praclarī viri Lauren-  
tij Arnoldi Lubecensis filia.

Ioh. Georgius.

Q Vi cœli nitidi creauit astra  
Et terram pelagusq; & omne quicquid  
In cœlo viget & solo, saloq;  
Rex atq; omnipotens Deus, paterq;  
Humani & generis decus perenne,  
Vt castus, bonus, & pius resulget,  
Sic castos homines, bonos, piosq;  
Ducit, condecorat, iuuat, gubernat.  
Quare frater amice Paule, cepto  
Fac vitam studio tuam decenter  
Traducas: placideq; cum puella,  
Quam tu connubio tibi exhiberi  
Exoptas, Domino iuuante viuas:  
Fac & præsidium Dei requiras.  
Vanos namq; hominum puto labores  
Successum nisi det Deus rogatus.  
Quos summus Deus adiuvat regitq;  
Hos non Tenarius premet Tyrannus.  
Nos autem lepidam tibi precamur  
Sortem, vota q; fundimus rogantes  
Vt te Christus amet tuam & puellam  
Forma & moribus integram, Marinam:  
Quæ iam iuncta tibi futura Sponsa  
Te felix decorabit vsq; & vsq;  
Germanus quoq; frater en Iacobus

Quem



Quem virtus regit & regunt Camæna.  
Offert se facilem piumq; vobis  
Ambobus: nec enim ille fallit vllum;  
Sed fratres studio iuuat fideliz  
Ac hos auxilio lenat salubri:  
Et dulces socios probosq; amicos,  
Non fucato animo colit fouetq;  
Iam nil restat in hac negotiorum  
Turba quàm resonare cantiones  
Sacras, euacuare & ampla pocla,  
Et nos colloquijs leuare bellis.  
Quos vexant animi graues dolores,  
Hi sese releuent Ioco & Lyao.  
Quos non exhilarat medela tanta;  
Hos saxis reor esse duriores  
Orpheus Threijcius Poëta priscus  
Quæ solo citharæ sono mouebat.

AD D. IOH. FRANCISCVM  
Ripensem Elegia pro acceptis ab eo Poë-  
matijs. Iohan. Georgius.


QVod mihi, Iohannes Francisce, poëma dedisti  
Nomine te dignum Vatis adesse probat.  
Non etenim carmen blando tantummodo ductu  
Profluit, vt numeri Naso diserte tui:  
Sicut & arguti suauissima scripta Tibulli  
Quæ facili cursum mollius amne trahunt.  
Nam quoq; iudicium (si rectè iudico) sanum  
Esse tibi lenis Calliopæa docet.

Et la.



2130.  
Et labor hic monstrat qua sis virtute refulgens  
Dum veteres socios dum canis atq; novos :  
Dumq; pij Regis defles lacrymabile funus  
Decessu cuius Dania tota dolet.  
Aurea cœruleus demonstrans cornua Rhenus  
Ad citharæ stupuit fila sonora tuæ.  
Ac tua Neccarides mirantes carmina Nymphæ  
Dicuntur lepidis te celebrasse modis.  
Albiades Diuæ tibi floreaserta dederunt  
Cernentes genij munera læta tui.  
Balthica Callirhoë, tum Cimbrica Callianassæ  
Te colit ob venæ flumina grata sacræ.  
Non igitur miror quod te Schofferus, & ipse  
Æriferæ vallis gloria Maior amet :  
Teq; canat Graio Ionas Tintenius ore,  
Lotichiusq; sua mitis amansq; lyra,  
Et Secceruitius, nec non Caselius, atq;  
Ofius Aonij cura fauorq; gregis.  
Perge rogo, non tu iam desine condere carmen  
Doctorem quamuis te Medicina vehat.  
Quin, igitur potius tu blanda poemata pange  
Nobile quod medica nomen ab arte geras.  
Qui Medicos reddit, Vates quoq; reddit Agyleus:  
Huic pariter curæ carmen, & herba Deo.  
Perge, inquam : Musas educ, et scripta relinque,  
Vnde tuum noscant secla futura decus.  
Sic tua frondentes lambent insignia lauri,  
Ornabitq; tuum splendida Fama caput.  
Quotq; tibi coniux Bagiorum sanguine nata  
Oscula dat, flores tot tibi Musa dabit:  
Simpliciter virtutis amore.






Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 2130 8° (LN 1414 8° copy 2)



2130.





21

